

T 7903/1316

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
DEC 9 1936



張氏醫通卷十一

長洲石頑張

璠路玉父纂述

哈佛大學漢和
圖書館珍藏印

男

以柔安世

叅訂

訥遜言

婦人門下

產後

經曰。乳子而病熱。脈懸小。手足溫則生。寒則死。

乳子中風熱喘鳴。肩息者。脈實大而緩則生。急則死。

上條言產後以乳哺子之時而患熱病。其脈只宜

懸小不宜實大者以產後新虛故也。設脈雖懸小而見手足逆冷又爲脾氣衰絕陰氣暴逆之候亦主死也。下條言產後中風熱而至喘鳴肩息以風熱逆於陽位其脈必不能懸小但須實大之中而往來和緩則脾胃之氣在其中矣。設見急疾胃氣已絕安得不死。後世以爲乳子二字誤認小兒如張介賓之明亦不加察且因此而謂小兒不當視虎口三關卽宜診兩手六部非智者之一失歟。

金匱云問曰新產婦人有二病一者病瘕二者病鬱

胃三者大便難何謂也。師曰：新產血虛多汗出，善中風。故令病瘕。亡血復汗，寒多，故令鬱冒。亡津液，胃燥，故大便難。產婦鬱冒，其脈微弱，嘔不能食，大便反堅，但頭汗出，所以然者，血虛而厥，厥而必冒。胃家欲解，必大汗出，以血虛下厥，孤陽上出，故頭汗出。所以產婦善汗出者，亡陰血虛，陽氣獨盛，故當汗出。陰陽乃復，大便堅，嘔不能食，小柴胡湯主之。

病解能食七八日，更發熱者，此爲胃實。大承氣湯主之。

在平人傷寒陽

明胃實之病用

大承氣湯如有

多少隨証而審慎

況其在產後耶

夫產後忌汗下
此下法又甚嚴
峻也。若用而用
不可起死回生若
積有惡症不清
則為害甚大。醫
師用此無候知
其惡而境之優入
聖域也。維矣。

產後氣血俱虛。汗下皆禁。獨此一證。用大承氣者。乃證治之變。不當以尋常例測也。以其病解之後。尚有餘熱在胃。所以能食。食入既多。至七八日。更加發熱者。此必復傷飲食之故。故知胃有實結。恐其煎迫津液。故以急下救陰為務。然必年體強壯。脈證俱實。且時日既久。與新產大便難不同。是所議下。設遇胃虛之人。雖能食而所食不多。即有發熱便秘。亦屬血虛。急宜調養氣血。斷非承氣所宜。不可恣行攻擊也。

寒積厥陰衝
脈一語道破腹
中疝痛根原

產後腹中疝痛當歸生薑羊肉湯主之。并治腹中寒
疝虛勞不足。若寒多者加生薑成一觔。痛多而嘔者
加橘皮一兩白朮一兩。

產後腹中疝痛乃寒積厥陰衝脈故用辛溫以散
血中之寒助以血肉之性大補精血較諸補劑功
効懸殊。若腹痛兼嘔而所嘔皆是稀痰是知脾虛
濁氣上逆故加橘皮以宣散其氣白朮以固護其
脾。倘見血逆而嘔所嘔渾是清水腹脹滿急則加
桃仁肉桂具見言外矣。至於寒疝虛勞少腹結痛。

總是下焦寒結亦不越是方也。

產後腹痛煩滿不得卧。枳實芍藥散主之。并主癰膿。
以麥粥下之。

仲景凡治腹痛多用芍藥以其能收陰氣之散也。
以其能除血痺之痛也。以其能緩中而止急痛也。
本草謂主邪氣腹痛故多用之。蓋五氣之邪莫如
厥陰肝木之性急暴一有不平則曲直作痛也。此
方治疝痛用芍藥爲主佐以枳實炒黑入血破積
聚收陰緩中逐陳致新麥粥補血下氣而壯血脈。

也。

師曰產婦腹痛法當以枳實芍藥散假令不愈者此
爲腹中有乾血著臍下宜下瘀血湯主之亦主經水
不利頓服之新血下如豚肝

血之燥乾凝著者非芍藥枳實可能治須用大黃
桃仁麤蟲下其血閉更加蜜以緩大黃之急也

產後七八日無太陽證少腹堅痛此惡露未盡不大
便煩躁發熱切脈微實再倍發熱日晡時煩躁者不
食食則讖語至六即愈宜大承氣湯主之熱在於裏

結在膀胱也

太陽為表膀胱為裏七八日表證入裏故日無太陽證惡露已為病氣所鬱不能盡去因入裏與

惡露相搏結在膀胱而作少腹堅痛下焦熱極故

不大便煩躁發熱更切其脈微實再倍其發熱在

日晡時而煩躁不食熱邪又攻於胃胃熱則不食

食入則穀氣之熱更助兩熱相併故讖語至夜即

愈者產後血虛熱邪易入血室入血室則夜如見

鬼狀言此以明其熱不在血室而在膀胱與胃故

此反比例也
此反比例也
此反比例也
此反比例也
此反比例也
此反比例也
此反比例也
此反比例也
此反比例也
此反比例也

用大承氣湯也

產後風續之數十日不解頭微痛惡寒時時有熱心
下悶乾嘔汗出雖久陽旦證續在者可與陽旦湯

舉此與上文承氣湯爲表裏之例

產後中風發熱面正赤喘而頭痛竹葉湯主之溫覆
使汗出頸項強用大附子一枚破之如豆入前藥揚
去沫嘔者加半夏半升洗

此證太陽上行至頭表陽明脈過膈上循於面二
經合病多加葛根以葛根爲陽明解肌藥也防風

佐桂枝去二經之風。竹葉桔梗主氣上喘。參草和
中氣。薑棗行營衛。穀氣行則上下交濟而汗出解
矣。附子恐是方後所加。治頸項強者。以邪在太陽
禁固其筋脈。不得屈伸。故用附子溫經散寒。揚去
沫者。不使辛熱上浮之氣助其虛陽上逆也。若邪
在胸而嘔。加半夏治之。土言破之如豆。入前藥。舊
本作如豆大。今如徐忠可駁正。
婦人乳中虛。煩亂嘔逆。安中益氣。竹皮大圓主之。有
熱者。倍白薇。煩喘者。加栢實一分。

乳中虛言乳哺而乳汁去多則陰血乏而胃中亦
虛陰乏則火撓而神昏亂胃虛則嘔逆用甘草瀉
心火石膏療煩亂竹皮主嘔逆桂枝和營氣又宣
導諸藥使無杆格之逆煩喘者爲心虛火動故加
栝實以安之
產後下利虛極白頭翁加甘草阿膠湯主之
傷寒厥陰證熱利下重者用白頭翁湯苦寒治熱
以堅腸胃此產後氣血兩虛故加阿膠甘草然下
利血滯也古人云血行則利自止此方豈獨治

後哉。

婦人在草蓐。自發露得風。四肢苦煩。熱頭痛者。與小柴胡湯。頭不痛但煩者。千金三物黃芩湯。

自發露。謂自發衣露體得風。非邪外傷者。故不爲自汗風病。蓋產時天機開發。雖微風亦得入之。外感之風。內應之火。合化淫於四末。而作四肢苦煩熱。上至於頭。作頭痛。病在表裏之間。故用小柴胡湯。主治少陽。若頭不痛。是無表也。惟肝膽風熱內動。上膈作煩。故用黃芩退熱。苦參養肝。熟地補血。

此法產後崩
傷最妙之方
其如虛弱
不解何

而益腎水則肝膽之火寧矣。

婦人產後虛羸不足。腹中刺痛不止。吸吸少氣。或苦
少腹中急。摩痛引腰背。不能食飲。千金內補當歸建
中湯。產後一月。日得服四五劑。為善。令人強壯。若大
虛。加飴糖六兩。湯成內之。於火上煖。令飴消。若去血
過多。崩傷內。血不止。加地黃六兩。阿膠二兩。合八味
湯成。內阿膠。

產後血去。營衛俱虛。內不充於五藏。肝木妄動。作
腹中刺痛。上不充於膈中。遂吸吸少氣。下不濟於

內補方得建中
湯洵有利益此
千方以水不減
經方也

腎故少腹急引外連腰脊六府不和則不能食用

此以益營衛伐肝邪補中和內○按此即黃耆建

中之變法彼用黃耆以助外衛之陽此用當歸以

調內營之血然助外則用桂枝調中則宜肉桂兩

不移易之定法也千金二字義見中風門方千金二黃湯下

諸禁○一禁卧二禁酒三禁浴四禁寒五禁汗六禁

下七禁利小便八禁寒涼藥九禁起動作勞蓋初產

血氣未定遽卧則惡血上升故分娩之後須高卧仰

倚切不可即卧三朝始可稍去其墊尚宜高枕七日

後如無他病方可安枕多有半月後未能貼蓆者酒
能助火亂經誤用不無動血之虞至如雞子猪腎一
切滯氣堅紉難化物及生冷膩滑皆不可食卽砂仁
湯亦能動血咸在禁例浴能升動惡露雖當夏月亦
須禁之曾有產數日後因浴瘀血上衝而斃者亦有
因浴動血誤用寒涼瘀結不行血化爲水喘滿腫脹
而死者不可不慎也新產驟虛最忌著寒寒則血氣
凝滯諸變冗生每至飲食不化腹痛作瀉禍患莫測
欲去其瘀則正氣并脫欲止其瀉則瘀結不行惟薑

桂參朮辛溫峻補庶幾血行瀉止故冬月一產卽宜
重綿兜護其腹在夏月亦當複巾裹之機要云胎產
之病從厥陰無犯胃氣及上中二焦爲之三禁不可
汗不可下不可利小便制劑之法能不犯三禁則營
衛自和而寒熱止矣故產後雖有表證一切風藥皆
不可用以其性升不特載血上行令人發暈抑且令
人亾陽多致汗脫而死不特風藥當禁卽佛手散中
芍藥皆爲散用恐湯能發汗也至於下藥尤爲切禁
非特硝黃難於輕試卽溲便數難者只宜調養元氣

若車前澤瀉之類。咸非所宜。以產後百脈空疎。自裏
至表。無一不虛。虛則諸寒皆禁。卽芍藥亦難輕用。以
其酸寒伐生發之氣也。地黃皆當慎用。以純陰之味。
能令作瀉也。黃芩能凝滯瘀血。令人惡露不行。爲害
不淺。然皆產後常禁。設有表裏客邪。又不當拘於上
說也。試觀金匱產後例中。陽旦湯之用芩芍。以其中
有桂也。薛按八珍十全之用熟地芍藥。以其中有參
朮及桂也。豈復拘於此例哉。况乎大承氣小柴胡三
物黃芩下瘀血等方。皆產後治例。此聖人臨證如日。

大轉回天之手。非尋常下士可得而測識也。迨夫早起作勞。不避風寒。不禁飲食。往往致成大病者。皆自作之孽耳。○凡產後之脈寸口洪疾不調者死。沉微附骨不絕者生。緩滑沉小者吉。實大弦急者危。牢革結代及瀉滯不調者不治。

血暈○產後元氣虧損。惡露乘虛上攻。眼花頭暈。或心下滿悶。神昏口噤。或痰涎壅盛者。急用熱童便。主之。若血下多而暈。或神昏煩亂者。芎歸湯加人參三錢。澤蘭葉一握。童便半盞。兼補而散之。痰合二陳。

加烏梅薑汁并用鐵秤鎚燒令赤以醋沃之或燒漆
器并亂髮以烟熏之產後因虛火載血上行而暈用
鹿茸灰爲細末好酒童便灌下一呷卽醒行血極快
產後昏暈嘔逆不能飲食此胃虛挾痰所致以抵聖
散去赤芍加炮薑茯苓慎不可用芎歸血藥膩膈其
嘔逆愈不能止矣○初產血暈速與扶起勿卧用韭
葉一握切碎入有嘴磁瓶中將醋煎滾澆入瓶內急
蓋瓶口以嘴向婦鼻孔令氣透入鼻中卽蘇若惡露
未盡忽昏悶不省人事須問先因感氣而下胎者以

一陳加芎歸香附桃仁山查薑汁切不可作中風治
產後口眼喎斜等證當大補氣血十全大補下黑龍
丹肥人佐以痰藥如星半木香之類若作中風治而
用小續命必殆若腹中刺痛者嚴氏清魂散血暈語
言顛倒健忘矢志此血入心包宜失笑散加鬱金或
用血竭沒藥等分爲末熱酒和童便調下二錢良久
再服惡血自下

三衝○敗血上衝有三或歌舞談笑或怒罵坐臥甚
者踰牆上屋口咬拳打山腔野調號佛名神此敗血

衝心多死。方書用龍齒清魂散。然用之多不應。不若
花藥石散最捷。琥珀黑龍丹亦効。如雖悶亂不致顛
狂者。失笑散加鬱金。若飽悶嘔惡。腹滿脹痛者。曰衝
胃。古法用五積散。余嘗用平胃加薑桂。往往獲効。不
應送來復丹。嘔逆腹脹。血化爲水者。金匱下瘀血湯。
若面赤嘔逆欲死。曰衝肺。二味參蘇飲。甚則加芒硝。
蕩滌之。大抵衝心者。十難救。一衝胃者。五死五生。衝
肺者。十全一二。○產後口鼻起黑色。而鼻衄者。是胃
氣虛敗而血滯也。急用二味參蘇飲。稍遲不救。

三急○產後諸病○惟嘔吐盜汗泄瀉為急○三者並見
必危○痰閉心痰抵聖散去芍藥加炮薑茯苓多汗加
烏梅慎不可用浮麥傷胃耗氣○棗仁膩滑作瀉○芍藥
五味酸收○皆能阻滯惡露也

三審○凡診新產婦○先審少腹○痛與不痛○以徵惡露
之有無○次審大便○通與不通○以徵津液之盛衰○再審
乳汁○行與不行○及乎飲食多少○以徵胃氣之充饒○必
先審此三者○以脈參證○以證合脈○脈證相符○雖異尋
常○治之必愈○脈證相反○縱無危候○必多變端○即如產

後惡露常以彌月爲期。然間有六七朝卽淨者。又未
可以概論也。此雖產母稟質不同。而胎之所稟亦異。
如胎息壯盛。則氣血盡歸其子。瘀血自少。胎息孱弱。
則氣血涵養有餘。瘀血必多。亦有產時去多。產後必
少。產時去少。產後必多。勢使然也。曾見一婦艱產異
常。三朝下一血塊。大小形色與茄無異。此後絕無瘀
血。惟小便如皂莢汁。其少腹畧無痛楚。良由艱產過
傷子宮。關闞廢弛。不能收斂。故其塊得下。世俗名兒
枕者。是也。大抵常產之婦。開闞有權。旣產之後。子宮

証脈保實息攻
以救津液固是
但突仙產心恐
不勝煩苦宜緩
厲似以大劑熱
地河膠以滋潤
其腸燥宜力
通大便而不

卽閉兒枕隨氣攻注碎作小塊續續而下所以綿延
日期此則全塊頓出自無淋瀝之患卽有餘血盡歸
溲便矣此後屢見數婦證雖大異尋常以意逆之其
理自若也產後血脫津傷大便自應艱澀每至五七
日始通無足怪也其有發熱譫語脈滑實者又當急
攻以救津液若兼少腹鞭痛又當破瘀爲先產後三
朝每有寒熱蒸乳寒熱後乳汁大行此胃氣乎化雖
有餘病必無他慮如無寒熱而乳汁充然者血氣本
旺也若不寒熱無乳汁此營衛不調總無所苦急宜

總其校為

當歸內補建中湯頻與調之。否則燕月後漸見寒熱。骨蒸而為葶勞之患矣。

嘔吐。嘔吐惡露不行。二陳加當歸蓬朮肉桂乾薑。胸腹脹滿。多是傷食。二陳加丁香。香不應加人參炮薑。澤蘭藿香。或抵聖散亦佳。如寒。理中湯加藿香。

呃逆。呃逆者胃寒所生。產後氣血俱虛。風冷搏氣而逆上。乃胃氣虛寒之極。最為惡候。理中加丁香。古方以丁香豆蔻伏龍肝為末。用桃仁吳茱萸煎湯調。下一錢匙。如人行五里再服。未應急投參附。遲則不

救。

飽悶。○產後飽悶惡露不行。多因血逆。宜行瘀血爲
主。如有塊上升。飽悶欲吐者。二陳湯加薑桂香附炮
查蓬朮。塊不散。積久愈堅。琥珀黑龍丹。若惡露已淨
而飽悶。受氣也。沉香降氣散。若敗血傷於脾胃。而腹
脹嘔吐者。抵聖散。加陵鯉甲肉桂。孕婦服安胎藥過
多。或正產或半產後。經一兩月惡露未淨。此非敗血
之比。宜導氣行血。若用止截。誤矣。飲食停滯。六君子
加木香厚朴。大凡傷其脾胃者。當節飲食爲主。

讖語○讖語多有血滯亦有血虛著風而痰鬱者不可專以痰斷亦不可認爲血逆其發讖語必脈大有力始與證合然又與產後不宜故多難治去血少者血滯也實則桃仁承氣下瘀血湯虛則龍齒清魂散或四烏湯用赤芍歸尾加桃仁薑汁去血多者血虛也蓋血虛則心神失守故讖語必先養血不可用參朮峻補當歸內補建中湯當歸芍藥散膠艾湯選用著風兼痰鬱者心經虛故風痰客之導痰湯加鈎藤鈎薄荷又方益母草爲末薄荷湯爲丸童便服之專

治產後讖語

如見鬼神○產後傷耗血脈心氣虛則敗血停積上
干於心遂至心中煩躁卧起不安如見鬼神言語顛
錯誤作風治必殆虛則四物湯換生地加桂心炮薑
主蒲黃石苜蒲實則四烏湯加川連煎成入龍腦一
捻服後得睡即安心悸恍惚語言錯亂者千金遠志
湯如內虛敗血攻心狂言亂語者龍齒清魂散瘀積
不行腹脹喘急者急用下瘀血湯攻之庶或可救補
遲必難挽回此證多有心脾血少者宜八珍加炮薑

則痰清神自安矣。

不語。○產後不語，多因停積敗血，閉於心竅，神志不能明了。嚴氏清魂加蘇木丹參。若因心腎氣虛而不能通於舌，則舌強不語，辰砂七珍散。或人參石菖蒲等分，不時煎服。腎虛風熱，地黃飲子。肝木太過，柴胡清肝散。或小柴胡加鈎藤。脾受木侮，六君子加升麻鈎藤。氣血俱虛，八珍湯加菖蒲遠志。不應獨參湯加附子一片。峻補其氣，而血自生。若竟用血藥，則誤矣。發瘧。○產後發瘧，因去血過多，元氣虧極，或外邪相

血虛者其故此
物按出最益成
學

搏或陰火內動所致故傷寒汗下過多潰瘍膿血大
泄多患此證須大補氣血或保無虞若攻風邪必死
其證牙關緊急腰背反張四肢抽搐兩目連劄十全
大補有汗加炮薑多汗加附子不應并加薑附倍人
參多服始應嘗治大虛之證服參耆數觔附子數枚
方應若汗拭不及兩手摸空者不治

發熱○婦人產後血虛陽無所依而浮散於外故多
發熱治宜四物補陰而以炮薑之苦溫從治收其浮
散使歸於陰若氣血俱虛惡寒發熱煩躁作渴十全

四物補法而以炮
其厚散使得於
法已能扶出地
妙用多又云不可多
用獨用必與補法
苟同用尤為要
如此以治血虛者
病有餘能去而
以飲食自調為
血虛之法尤確
可慮

大補湯。若熱愈甚，急加桂附。若血虛至夜發熱，小腹

腰脇作痛，四物加黃耆五錢，肉桂一錢。若作渴而赤

當歸補血湯。若誤認為火證，投以涼藥，禍在反掌。然

產後脾胃多虛，有過於飲食傷滯而發熱者，慎勿誤

作血虛治。但遇產後發熱，若胸膈飽悶，噯氣惡食，泄

瀉等證，只作傷食治之。若發熱而飲食自調者，方用

補血正法。○產後大發熱，必用炮薑同茯苓、淡滲，其

熱一應苦寒，并發表之藥皆不可用。凡產後發熱惡

寒，皆屬血虛。此熱非有餘之熱，乃陰虛生內熱耳。故

二方加味可換從
湯引法從陰引

以補陰藥加炮薑大劑服之。且炮薑能入肺胃散虛
熱入肝脾引血藥生血然不可多用。獨用必與補陰
藥同用。此造化自然之妙也。惡寒發熱腹痛者當去
惡血。○產後脈洪數胎前脈濇弱多死。懷孕者脈宜
滑數。已產而滑數不改者雖未必死多費調理。

寒熱○產後因氣血虛弱脾胃虧損而發寒熱皆不
足證。經云陽虛則惡寒陰虛則發熱。若兼大便不通
尤屬氣血枯槁切禁發表降火。若寸口脈微爲陽氣
不足陰氣上入陽中而惡寒補中益氣湯加薑棗發

陽之物曰越
日取揚皆用也

肌熱大渴引飲

飲似白帛志深
用之福不徒也

參蘇最妙以人多
補氣生津而蘇蘇
救寒力不峻耳

越之。尺部脈弦為陰氣不足。陽氣下陷陰中而發熱。

六味丸加肉桂以收攝之。若肌熱大渴引飲目赤面

紅。此血虛發熱。當歸補血湯不可誤認。客邪而用表

散藥。○下血過多。寒熱而小腹不痛者。此營衛虧損。

陰陽不和。屬虛。增損四物湯。若惡露未淨。傷滯胞絡。

寒熱而小腹痛者。屬實。輕則四烏湯。重則醋煎散。產

後。臥不如法。敗血流入經絡。骨節間寒熱。腰股腫熱。

痛不可耐。局方調經散。有食消食。頭痛骨疼。寒熱者。

外感風寒也。參蘇飲。增損柴胡湯。柴胡四物湯。選用。

或兼瀉及吐者。五積散。胸膈飽悶。前後心痛。寒熱者。傷氣與食也。指迷七氣湯。虛人局方七氣合沉香降氣散。如飽滿寒熱兼腹痛腰疼者。四烏湯。熱而不寒。胸煩自汗。與大病後虛煩相似。此去血過多。血虛生熱也。逍遙散。若臍下熱。非熟地不能治。如大熱必用炮薑。日晡轉甚者。非柴胡不能治。不應必用肉桂。○新產蒸乳發熱。不必服藥。

中風。○產後類中風證。大多血虛。非真中也。或挾風。或挾痰。或挾氣。證雖不一。治法莫要於行血。芎歸湯。

加荆芥穗。淋黑豆酒煎服。亦治角弓反張。手足癱瘓。脈來虛浮者。血暈四肢強直。芎歸湯加重便。或用荆芥穗微焙爲末。豆淋酒調下二錢。或童便服之。口噤則挾齒灌之。斷噤則灌入鼻中。卽蘇。手足癱瘓敗血入經絡也。用五積散。又有形盛氣虛。產後痿廢不起者。但當補氣藥中兼行氣爲主。朝用香砂六君子。暮用越鞠丸。久服自効。

因風寒所感。桔梗湯加葱白。香薷生薑。或小建中湯。欬嗽。產後欬嗽。多因腠理不密。外邪所感。而致。若

虛用異功散去木加山藥細辛桂枝陰虛兼感客邪者六味丸去萸加桂枝細辛陰虛水不制火而嗽六味丸加麥冬五味乾欬內熱不寒桔梗湯加萎蕤麥冬丹皮蜜煎薑橘之類蓋乾欬一證有小兒食乳易治無則成勞

發喘○喘而痰聲大作此痰犯肺金也謠其痰喘自定風則金匱旋覆花湯加甘草桔梗惡露未淨加炮薑丹參有食加厚朴陳皮不嗽而喘此肺爲火迫乃真喘也難治若肺虛熱生脈散爲主藥肺胃氣虛異

功散加桔梗兼外邪加細辛。中氣虛寒前方加炮薑
肉桂。陽氣虛脫更加附子。腎虛不能納氣歸元都氣
丸作湯送靈砂丹。兼氣虛者與異功散兼進。大抵產
後發喘加以脈之虛大急疾皆不可治。

癰癧。○產後陰血去多。陽火熾盛。筋失營養。虛極生
風。而成此證。若見唇青肉冷。汗出口眩神昏。命在須
臾。四君子加芎歸丹皮鈎藤。蓋血生於至陰。至陰者
脾土也。若肝經血虛。逍遙散加鈎藤。陽氣虛敗。十全
大補加薑附鈎藤鈎經。云脾之榮在唇。心之液爲汗。

今是肉傷
症豈少猶因風
為傷其陽氣耶

愚獨為得補血
法方中宜加參
以助其養生血
用

若心脾二藏虛極而唇白多汗急用參附救之若無
力抽搐戴眼反折汗出如珠不流者皆不可治
顫振○產後顫振乃氣血虧損虛火益盛而生風也
切不可○以風為治急用十全大補溫補氣血為主如
小產後半身肉顫半身汗出亦宜上法若產後不省
人事口吐涎沫而顫振或癱瘓者當歸補血湯加荆
芥穗豆淋酒煎服婦人胎前產後顫振癱瘓逍遙歸
脾小柴胡補中皆可選用
傷風○產後傷風須問惡露淨否而後用藥若未淨

敗毒散之不可用
 其以其中有人參
 之補氣生津也
 宜重用之
 黃芩大敗脾胃
 害寒快脈者除
 中必死之患豈
 止作血已哉

而小腹疼痛者以行血理氣為先。金匱旋復花湯。四
 烏湯選用。若惡露已淨。小腹不疼。但頭痛身熱足冷。
 自汗欬嗽。黃耆建中湯。頭重。香蘇散。若風寒併傷營
 衛俱病。遍體痛無汗。敗毒散。虛甚著風者。不可發散。
 逍遙去木。加桂枝。得効雖遲無失。

傷寒。○產後傷寒。不可遽用小柴胡。蓋有黃芩在內。
 停滯惡血也。宜小建中湯。增損柴胡湯。時疫柴胡四
 物湯。香蘇散。伏氣發溫。葱白香豉湯。感冒氣食。香蘇
 散。產後得熱病。四肢暖而脈息和平者。生。四肢冷而

脈沉濇煩熱甚而脈洪盛者皆死證也。

瘧○產後瘧瘧在初產時絕少。卽胎前久瘧淹纏。產後裏氣通達。無不霍然。間有微寒發熱不止者。此衛氣向虛。營血驟傷之故。但與內補當歸建中湯。熱多倍芍藥。寒多加黃耆。夜發一倍當歸。三倍黃耆。不應加生何首烏。虛熱不止。大便不實。加炮薑茯苓。惡露不行。小腹結痛。另用炮黑山查。炙枯黑糖。伏龍肝湯煎服。或有產後一月半月。感犯風暑而瘧。小柴胡補中益氣選用。風加羌活紫蘇。暑加香薷厚朴。隨證裁

酌。但黃芩苦寒。無論惡露淨與未淨。皆非所宜。

痢。○產後下痢有三。一者因胎前患痢。產後不止。昔

人以為七日必死之候。若元氣未敗。脈有胃氣。可進

粥食者。伏龍肝湯丸。隨證加減。多有得生者。一者因

產後臍腹受冷。飲食不化。腹痛惡露不行。理中湯為

主。白加吳萸。木香。赤加桂心。茯苓。一者因產後誤食

生冷。或臨產飲食過度。產後泄瀉下痢。亦宜理中湯。

白加枳實。茯苓。厚朴。木香。赤加香附。炮查。熬糖。虛加

人參。肉桂。間有熱痢下重。白頭翁加甘草。阿膠湯。清

甘壽勞一以此
某六助言大故
未若柔氏之完
善精細也夫
不謂害其多欲
脾胃者其法也

理之惡露已淨。痢久不止。腹痛後重。補中益氣升舉
之大抵。產後下痢。惟宜顧慮元神。調和血氣。則積滯
自下。惡露自行。非若妊娠之有胎息。難於照顧也。
蓐勞。○蓐勞者。因產理不順。疲極筋力。憂勞心慮。或
將養失宜。虛風客之。致令虛羸喘乏。寒熱如瘧。百節
煩疼。頭痛自汗。肢體倦怠。欬嗽痰逆。腹中絞刺。當扶
正氣爲主。六君子加當歸。若脾肺氣虛。欬嗽口乾。異
功散。加麥冬。五味。氣虛頭暈。補中益氣。倍用歸耆。肝
經血虛。肢體作痛。四物加參苓朮桂。肝腎虛弱。自汗

血空則柴胡
莫不可用

盜汗往來寒熱六味丸加五味子脾虛血弱腹痛月
經不調歸脾湯倍木香血虛有熱增損柴胡湯骨蒸
勞熱嗽痰有紅者異功散去木加山藥丹皮五味阿
膠童便熱而無痰乾欬逍遙散用蜜煎薑橘蜜蒸白
朮產後虛損不時寒熱或經一二載元神不復月事
不轉先與千金當歸芍藥湯後與烏骨雞丸調補大
抵此證多因脾胃虛弱飲食減少以致疲憊而成當
補脾胃進飲食則諸藏有所倚賴病自愈矣
虛煩○產後虛煩皆氣血虧損虛火上泛所致千金

治產後內虛煩熱短氣用甘竹茹湯產後乍寒乍熱
手足身溫心胸煩滿用知母湯產後虛煩頭痛短氣
悶亂不解用淡竹茹湯產後煩滿不安用人參當歸
湯俱孫真人法也

驚悸○產後心悸皆心虛所致千金治產後衝悸志
意恍惚言語錯亂用茯神湯虛熱口燥加麥門冬虛
加人參善忘加遠志麥門冬產後大虛心悸志意不
安恍惚恐懼虛煩不眠少氣人參圓吸吸乏氣善忘
本方去薯蕷加遠志亦孫真人法也

多汗。產後血虛身熱自汗。逍遙散加熟棗仁烏梅。不可用補氣藥。古方用麥煎散。治產後盜汗自汗。爲害不可勝數。因外感而汗者。黃耆建中湯。氣血俱虛。十全大補湯不應加附子。若汗多不止。必發柔痙。尤當前藥。若頭汗者。或因溼熱。或因瘀血。當審虛實。治之。半身汗出。昔人用二陳合四物。治多不効。以血藥助陰。閉滯經絡也。此屬氣血不充。而有寒痰留滯。非大補氣血。兼行經絡。不効。宜十全大補。人參養營。加星半川烏。肥人多加豁痰行氣藥。瘦人氣血本枯。

天之徵也。

麻○督○○產後麻督宜生血補氣十全大補湯去血過多手足發麻小腹大痛則遍體麻暈欲死此非惡露凝滯乃虛中挾痰六君子加炮薑香附當歸曾治一婦產後右半身麻督而昏暈不省人事發即胸膈痞悶下體重著或時心神蕩搖若無心肺之狀頃則周身冷汗如瀉大吐痰涎而蘇此產後經脈空虛痰飲乘虛襲入之故因與六君子加歸著肉桂隨手而効復有一婦產後左半身麻督昏暈不省人事發則周

此病以地黃飲子
收功可見葉氏
謂產心多胃傷
之語信矣惡按
早占真武加人參
度身當保地
以之其功尤捷

身大痛筋脈癱瘓肌肉羸動或時頭面赤熱或時腿
上振振動搖頃則蒸蒸汗出而蘇此產後營血大虧
虛風襲入之故用十全大補湯治之諸證悉平但麻
瞽不止後與地黃飲子而安

大小便諸證○產後去血過多大腸乾涸每至三五
日後甚至五七日而大便始通者皆其常也或血虛
火燥不可計其日期必待腹滿覺脹欲自去而不能
者乃結在直腸宜用導法蜜煎導或削醬薑醬瓜皆
可為導惟猪膽汁導禁用以其苦寒誤用每致發呃

病初起者西氣大
柴胡之方今の
物湯用し後後

也。若用苦寒藥攻通，反傷中焦元氣，或愈結難通，或
通瀉不止，必成敗證。若屬血虛火燥，四物加鮮何首
烏潤下之。氣血俱虛之人，雖數日不通，飲食如常，腹
中如故者，八珍加桃仁蘇子熟蜜。若多日不解，躁悶
異常，不得已用人參當歸枳殼煎服，亦權宜之術耳。
古人用玉燭散治之，反致危殆者多矣。至如產後日
久，病外感熱結，有實邪燥屎者，急用承氣。大柴胡下
之，又不當拘於此例也。○小便不通，腹脹如鼓，用炒
鹽加麝半字填臍中，外用葱白十餘莖，作一束切如

六味合生脈以方
中人參佐熟地最
能滋補其陰也

半指厚置鹽麝上將艾炙之覺熱氣入腹難忍方止
小便即通此惟氣閉者宜之若氣虛源涸與夫熱結
膀胱者皆不可用產母但覺小水少此即是病便宜
調治如大小便俱秘惡露不行先通惡露四烏湯加
蓬朮山查如惡露不行大便泄小便難五苓散倍肉
桂加桃仁不可服胃苓湯以蒼朮能止血也○產後
小便數乃氣虛不能制水補中益氣加車前茯苓若
膀胱陰虛而小便淋瀝生料六味合生脈散滋其化
源須大劑煎成隔湯頓熱續續進之○產後遺尿不

知乃氣虛不能統血也。補中益氣湯若新產延孔未
歛。溺出不知。此恆有之。至六七朝自止。不必治也。

婦人產後。水道中出肉線一條。長三四尺。動之則痛。

欲絕。先服笑散。數服。次用帶皮薑三觔。研爛入清

油二觔。煎油乾。爲度。用絹兜起肉線。屈曲於水道邊。

以前薑熏之。冷則熨之。一日夜卽縮。二日卽盡。再服

芎歸湯調理。如肉線斷。則不可救矣。○產婦尿胞損

破。致病淋瀝者。當與峻補丹。溪云難產。多是氣虛。產

後氣血尤虛。當以參耆爲君。芎歸爲臣。桃仁陳皮爲

經方急服多服
尤力要義

此等方川經月
奉昭不可

猪羊胞煎湯
竹補竹補最
妙

升麻固本托物

峻補氣血不可

佐同猪羊脬煎湯時時飲之勿令間斷使氣血驟長

匝月其脬自完若稍緩則難成功矣○產間傷動脬

破終日不小便但淋溼不乾用天然黃絲二兩不用

染者牡丹皮白芨人參各一錢水煎至絲爛如飴服

服勿作聲作聲則泄氣無効名補胞飲經月常服有

効○產後損尿胞而淋溼參耆朮草熬膏猪羊胞煎

湯饑時調服月餘胞長淋止○產後陰戶著風痛四

物湯加藁本防風不應有瘀傷也加血餘龜版灰肉

桂陰頽脫下氣血俱虛不能收斂者八珍加升麻黃

醫通卷十一 產後大小便諸證 三六

著。陰戶腫痛。溼熱也。用枯礬。荆芥。白芷。當歸。桃仁。細辛。川椒。五倍子。等分。入葱三莖。煎湯薰洗。卽愈。諸痛。產後遍身疼痛。氣虛百節開張。惡露乘虛流入經絡。骨節之間。謂之敗血。流經或流於腰膝。或流入髀股。痛不可耐。痛處熱腫。流注日淡。漸致身面浮腫。局方調經散。最當。琥珀。地黃丸亦宜。若因虛風所侵。以致肢體沉重。不利筋脈。引急發熱。頭痛。局方用五積散。去蒼朮。加陵鯉甲。用生漆塗。煨尤良。或四神散。加桂枝。薑棗。和營止痛。最捷。若誤作傷寒。發汗致

經脈抽搐手足厥冷而變爲瘳又當十全大補爲主
若以手按而痛益甚者是瘀滯也四烏加陵鯉甲桂
枝薑棗以散之按而痛稍緩者此血虛也四物加香
附炮薑人參白朮甘草以養之如皮肉痛者外感也
如月內惡露未淨者香蘇散加肉桂陵鯉甲產後五
藏皆虛胃氣虧損飲食不充則令虛熱陽氣不守上
奏於頭則令頭痛補中益氣加川芎香附子不應加
附子一片若血虛四物加參朮有產後敗血上衝頭
痛非琥珀黑龍丹不効又方治產後敗血作梗頭痛

諸藥不効用大附子一枚。釅醋一碗。用火四時炙透。蘸醋令盡。去皮臍。加川芎等分。並爲末。每服錢半。或二錢。茶清調下。○偏正頭風作痛。川芎茶調散去白芷。加細辛。黑豆淋酒煎。乘熱熏患處。候溫服之。如左半邊惡寒。腦後掣痛者。本方去白芷。加歸芍。右半邊畏寒。兩太陽引痛者。本方去白芷。加參耆。千金治產後中風。頭痛。手臂逆冷。白朮三兩。附子一枚。獨活一兩。生薑三兩。豆淋酒煎服。婦人患頭風者。常居其半。每發必掉眩。如在車船上。皆因血虛。風邪運動其痰。

二陳加當歸黃芩羌活防風不應加烏頭石膏挾氣
虛者必加黃耆然崩傷產後吐血衄血並令人眩暈
當隨所因而治○感氣而胃口作痛養胃湯因氣而
心腹痛降氣散感寒而痛甘草乾薑湯加焦白朮桂
枝有食積實理中加炮黑山楂○產後惡血上攻心
痛爲陰血虧損隨火上衝心絡名心胞絡痛宜理中
加當歸產後惡露未淨胸腹作痛或小便不利琥珀
地黃丸溫散之產後心痛大寒嘔逆不食千金蜀椒
湯產後心痛乾嘔吐涎沫大岩蜜湯若真心痛日發

夕死夕發旦死瘀血上衝用失笑散一錢童便調下
卽定血旣散而仍痛增損四物湯調補之○脇痛宜
分左右蓋左屬血血藏於肝肝傷有死血故痛小柴
胡去芩加丹皮香附薄桂當歸童便右屬脾脾有痰
積於脇則痛補中益氣去升麻加葛根半夏茯苓枳
殼生薑左右俱痛者屬虛補中益氣加桂下六味丸
○腹痛惡露已淨者下焦虛寒也六味丸加桂如痛
定於一邊及小腹者此是側卧敗血留滯所致四烏
湯加蓬朮有產後腹痛服上藥不應而喜溫喜按者

生薑宜重用

屬虛屬寒。寒則理中加肉桂當歸。虛則金匱當歸生薑羊肉湯。隨證加增。神驗。產後三日腹痛。補中益氣。藏強力消血。羊肉生地黃湯。若腹中疝痛。畏寒少食。大劑人參阿膠生薑煎服。効。此卽仲景當歸生薑羊肉湯之變法也。若痛而惡心。或欲作嘔。六君子加炮薑。有痰加莪茂桃仁炮黑山查。若泄瀉腹痛。後重。補中益氣加木香炮薑。若胸膈飽脹。或惡食吞酸。或停惡露。至夜發熱。讞語腹痛。手不可按。此是飲食所致。當用三陳加枳朮查肉。虛人枳實。理中加肉桂炮查。發

熱腹痛。按之痛甚。不惡食。不吞酸。此是瘀血停滯。四
烏湯加蓬朮肉桂。若止是發熱頭痛。或兼腹痛。按之
却不痛。此是血虛。四物加艾附著桂。若腹痛脇脹。此
氣寒。不能溫養肝血。當歸乾薑香附肉桂丹皮茯苓
入鹽少許。熱服。產後下血不盡。腹內堅痛。不可忍者。
甘草乾薑當歸芍藥桂心桃仁山查煎服。○產後少
腹作痛。俗名兒枕塊。古法用失笑散及四物加莪茂
山查。產後崩中。去血赤白相兼。或如豆汁。千金伏龍
肝湯。能溫脾胃。涼肝血。其効如神。若惡露既去。而仍

產後腰痛固
 仙岩信明之也
 改之亦宜其多
 在明陰如和苦
 寒不亦長板桂
 附辛想六慮耗
 散宜同者烏柏
 把尋湯中一陰
 補只陰而不妨其
 陽必有奇效之也
 流如所

痛四神散調補之。小腹腹痛當視去血多少。如敗血凝
 滯有塊而痛者醋煎散無塊者四烏湯須看人虛實
 酌用。產後臍腹作痛冷氣乘虛也。內補當歸建中
 湯。產後腰痛者因產勞傷腎所致。十全大補湯加
 附子。產後惡露漸少忽然不來。腰中重痛下注兩股
 痛如錐刺入骨。此由敗血流滯經絡不即通之。必發
 癰疽。局方調經散加陵鯉甲水煎日三服以痛止為
 度。琥珀地黃丸亦宜。下瘀血湯代抵當丸皆可取用。
 切勿誤用五積散等辛溫之藥。丹溪云局方五積散

治產後瘀血作痛。以蒼朮爲君。麻黃爲臣。厚朴枳殼爲使。雖有歸芍之補血。僅及蒼朮三分之一。不思產後之婦。有何寒邪。血氣未充。似難發汗。不過借藥性溫和。可以推陳致新。豈可用麻黃之悍。蒼朮厚朴之燥乎。虛而又虛。禍不旋踵矣。

泄瀉。○產後泄瀉。其因有五。一者因胎前泄利未止。產後尤甚。一者因臨產過傷飲食。產後滑脫。一者因新產驟食肥腥。不能尅運。一者因新產煩渴。恣飲水穀。混亂。一者因新產失護。臍腹藏府受冷。其致瀉之

久得胃空一法
托安必遇元氣
太宏之人桂附
亦不宜狂用至
以不勝其辛散
力也則底耳
炮薑艾葉又甚
妙若也

由雖異一皆中氣虛寒傳化失職之患。竝宜理中湯
爲主。食加枳實。山楂。水加桂。心茯苓。虛加桂附。倍參。
寒加桂附。倍薑。久瀉腎虛加桂。心熱附。痰結不行加
炮查歸身。若見完穀不化。色白如糜。此脾胃大虛。元
氣虛脫之候。十有九死。惟猛進溫補之劑。庶可挽回。
即有煩躁發熱。面赤脈來數大。皆虛火上炎之故。當
并進桂附。人參。甘薑。苓。朮之類。伏龍肝煮湯代水煎
服。仍得收功。若小便混濁如油。或大便中有白沫如
腸垢者。乃元氣下陷之故。並宜補中益氣。加桂。苓。炮

上腫屬風下腫屬溼分晰甚清

薑升舉之。或臭水不止。加蘄艾香附吳茱萸黃芩若兼痰結不通。腹脹喘急。神丹不能復圓也。

浮腫。○腫脹腹大筋青小便不利。必食生冷傷滯。瘀血也。若用利水藥。病必轉劇。理中湯加木香肉桂蓬朮。身腫或腹大如鼓。四七湯加木香嗽者。忌木香。用炮薑灰。而腫下不腫。屬風宜發散。紫蘇飲加防風。下腫上。不腫屬溼。宜利小便。紫蘇飲加水。通四肢與頭面腫甚。氣食也。紫蘇飲加消導藥。有血兼破血藥。停血不散。腹腫喘滿。夜甚於晝。四烏湯加蓬朮。若足忽

水腫宜利小便氣
腫宜家汗此舉人
法以若遇產後未
可恣意用蓋利不
便家汗均產後所
禁雖有不病不乃
不出則利小便仍宜
取其津液者汗仍
宜取其之湯乃為
萬全之舉耳

腫者乃溼熱注病恐成脚氣當歸拈痛湯若紅腫而
痛恐生腫毒則以膚熱與不熱為辨○產後敗血乘
虛停積循經流入腿脇留滯日深故令面目四肢浮
腫宜調血為主醫者不識便作水氣治以導水之藥
必危夫產後既虛又以藥虛之是謂重虛往往多致
天枉但多服局方調經散或四神散加蓬朮桃仁肉
桂穿山甲血行腫消則愈陳無擇云若風邪乘於氣
分皮膚腫而浮虛乃邪氣有餘也若皮膚腫其形色
如熟李者乃水也水腫者宜利小便氣腫者宜發汗

諸血○產後鼻衄乃氣血逆行所致紫蘇飲入童便
荆芥灰如口鼻黑氣起而衄者難治初產時口中血
溢出暴或吐血嗽血名血氣衝心四物加延胡木香
炮薑產久惡露已淨吐咯欬血者治與平人同產後
血崩因經脈未復而勞碌惱怒或犯房事多成此候
若小腹滿痛肝經已傷最爲難治若血滯小腹脹滿
四烏湯加蓬朮肉桂血少小腹空痛四物加丁香膠
艾肝火迫血妄行加味逍遙散脾鬱不能統血加味
歸脾湯脾虛不能攝血補中益氣湯厚味積熱傷血

清胃散加炮杏。風熱相搏傷血。四君子加防風枳殼。
惡寒嘔吐。大便頻瀉。六君子加炮薑。下焦虛寒不能
統血。漏下色晦。及瘀淡不止。千金芎藭湯。鹿茸散。選
用。六和散。小柴胡湯。四逆散。及小續命湯。此
月水不通。乳子過歲而乳母經行。是其常也。若兒
半歲而母經行。有血盛血熱之分。血熱者宜涼血。四
物加續斷條芩。不乳者不在此例。若兒二三歲。其母
經不行而無疾。不必服藥。若肢體倦怠。食少內熱。是
血少也。宜逍遙散加參耆。以健脾胃。若以藥通之。則

誤矣。若脾胃虛弱，六君子湯加當歸。若兼鬱火傷脾，歸脾湯加丹皮、山梔。若怒火傷血，柴胡四物湯。氣血俱虛，八珍湯加丹皮。

諸淋。○淋因熱客於脬，虛則頻數，熱則澀痛。氣血兼熱，血入胞中，則血隨小便出，而爲血淋也。若膀胱虛熱，六味丸。若陰虛而陽無以化，腎氣丸。蓋土生金，金生水，當滋化源。若少壯元氣實強者，用滑石、通草、車前、葵子、瞿麥、蒲黃漿水煎服。

乳汁。○產後三朝五更發寒熱，名曰蒸乳。若產後乳

雖腫而響作者須服清利之藥則乳自行仍以美臙引之。○產後乳汁自出不止乃胃氣虛宜服五味異功散加黃耆五味以攝之。若乳多滿急痛者用溫帛熨之。○新產兒未能吮乳乳汁蓄結與血氣相搏而壯熱大渴通乳脹硬掣痛名曰妬乳當以手搏去宿乳或吮去尤妙。并以貝母、栝蒌實、甘草、節木通煎服。初產因子不育蒸乳而發寒熱作痛者俗名乳鬱用斷乳法以四烏湯加炒麥芽一兩卽止。不然恐內結成癰多致潰膿亦有乳囊潰而成危候者不可不知。

○若有子而乳不下者通草八錢煑豬蹄湯飲之白
蝦汁亦妙乳母氣血虛而不能蒸乳八珍湯加黃耆
麥冬肺胃虛寒而乳不通者千金鍾乳湯寒熱不均
氣道阻逆而乳不通者麥門冬散有熱去鍾乳加漏
蘆因怒火者逍遙散加參耆麥冬之類凡產不蒸乳
者後必有變須預言之元氣壯實者不在此例○吹
乳腫痛速用栝萋實一枚連穰搗爛甘草節一寸乳
香一錢煎成加溫酒服服後側臥於床令藥氣行外
以天南星生末醋調敷以手揉之自散

瘡

金匱云少陽脈滑而數者陰中生瘡陰中蝕瘡爛者
狼牙湯洗之

少陰脈滑而數熱結下部也治用狼牙煮湯纏箸
如繭浸瀝陰中日四遍以解毒殺蟲但用一味以
取專功蓋此證多患於痿寡證必欬逆經閉骨蒸
寒熱凡見頰赤中有白斑下脣紅中白點皆陰蝕
之候雖用上法及服降火滋陰藥終歸必亡此情
志之病非藥可治故仲景但用外法絕不及於湯

藥厥有旨哉

胃氣下泄。陰吹而正喧。此穀氣之實也。豬膏髮煎導之。

導之者。服之使病從小便而出。非外用導引之謂。詳陰吹。正喧。婦人恆有之疾。然多隱忍不言。以故方書不載。醫不加察。金匱明言胃氣不清。穀氣之實。所以腹中喧響。則氣從前陰吹出。如失氣之狀。第用豬膏髮煎之。治難於推測。近余治一僕人之婦。經閉三月。少腹痛貫徹心。而見前證不已。與失

笑散一服。瘀血大下。遂不復作。又治一貴顯之媳。
小產後寒熱腹痛。亦有前證。與炮黑槿肉熬焦黑
糖爲丸。用伏龍肝煮水澄清煎。獨參湯送三錢。一
服結糞大下。再進瘀血續行。而前證頓止。始悟豬
膏髮煎皆爲逐瘀而設。雖皆未用其方。而實不離
金匱之法也。

癰癤。○婦人癰癤多因憂思鬱怒傷損肝脾。累累然
如貫珠。多生於耳之前後項側胸脇間。若寒熱腫痛。
乃肝經氣鬱而爲病。不可峻用痰藥。加味逍遙散若

寒熱既止而核不清乃肝經之血亦病四物湯加白
朮茯苓柴胡丹皮若飲食減少經事不調爲脾胃虧
損六君子加香附丹皮柴胡當歸若初生如豆粒附
著於筋肉色不變而後漸大腫痛內熱口乾精神倦
怠久不消癢乃肝脾虧損逍遙散歸脾湯健脾土培
肝木切勿不可輕用散堅追毒之劑誤下之必犯病禁
經禁若久潰脈浮大邪火盛也面色皎白金剋木也
皆難治○凡風木之病但壯脾土則木自不能剋矣
若行伐肝則脾胃先傷而木反來侮土矣貴識之

結核。婦人結核皆因鬱怒虧損肝脾觸動肝火所致。非但婦人多鬱患此。則小兒胎中受母氣之鬱。生後至七八歲外。往往有之多。結於項側耳前後。或發寒熱。屬膽經風熱。怒火柴胡清肝散。加鈎藤山梔。以清肝火。若結於肉裏。其色不變。晡熱內熱。屬肝火血虛。加味逍遙散。或結於肢節。或累累如貫珠。其色不變。亦肝火血燥。而筋攣急。小柴胡加鈎藤。佐以六味丸。若時消時作。此氣滯而痰結也。用歸脾六君二湯。以調和脾胃之氣。外用一味香附末。唾調作餅。艾灸。

乾卽易之。勿令傷肉。常灸自消。丹方治痰核。用貝母
全蠍。連皮胡桃肉。各百枚。同搗蜜丸。空心日服彈子
大二三丸。効。又方用羯羊角。磁片刮下爲末。或舊明
角。琉璃刮下爲末。尤良。每觔入貝母四兩。全蠍二兩。
蜜丸。空腹服三錢。外用皂莢肉入鯽魚腹中。煨灰存
性。蜜和醋調塗。大効。若潰而肉不腐。或肉不生。或膿
水清稀。肌寒肉冷。自汗盜汗。寒熱。內熱。面色痿黃。食
少。體倦。便利不調者。五藏皆虛也。但用補中六君益
氣養營等湯。調補脾胃。則各證自退。故經云。氣傷痛。

形傷腫。慎不可輕用行氣破血之劑。

流注。○婦人流注。多因憂思鬱怒。虧損肝脾。以致營氣不從。逆於肉裏。或因腠理不密。外邪客之。或溼痰流注。或跌蹶血滯。或產後惡露凝積。蓋氣流而注。血注而凝。或生於四肢關節。或留於胸腹腰腎。或結塊。或漫腫。皆屬鬱火。急用葱熨法。內服益氣養營湯。未成自消。已成自潰。須久服無間。自然收功。若久而腫起。作痛。肢體倦怠。病氣有餘。形氣不足。尚可調治。若漫腫微痛。屬形氣病氣俱不足。最爲難治。或不作膿。

或膿成不潰。氣血虛也。人參養營湯。憎寒畏寒。陽氣虛也。十全大補湯。肺熱內熱。陰血虛也。四物加參朮。作嘔欲嘔。胃氣虛也。六君子加炮薑。食少體倦。脾氣虛也。補中益氣。加茯苓半夏。四肢逆冷。小便頻數。命門火衰也。八味丸。小便頻數。痰盛作渴。腎水虧損也。六味丸。加麥門冬。月經過期。多日不止。肝脾虛也。八珍加柴胡丹皮。凡潰而氣血虛弱。不斂者。十全大補煎膏服之。久潰而寒邪凝滯。不斂者。豆豉餅祛散之。其潰而內有膿管。不斂者。用藥腐化之。若不補氣血。

不節飲食不慎起居不戒七情或用寒涼尅伐俱不

治

乳癰乳巖。婦人乳癰有內吹外吹上逆下順之異。總屬膽胃二經熱毒氣血凝滯故初起腫痛發於肌表肉色焮赤其人表熱發熱或發寒熱或憎寒頭痛煩渴引飲加味逍遙散加栝蒞霜若至數日之間膿成滿竅稠膿湧出膿盡自愈若氣血虛弱或誤用敗毒久不收斂膿清脈大非大劑開鬱理氣溫補氣血不能收功。丹方治乳癰初起用蒲公英草搗汁和

陳酒服。以滓敷腫處。卽消。然此施於藜藿之人。輒効。若高粱七情內鬱所致者。良非所宜。當用鹿角磁鋒。刮屑。加麝香溫酒調服。若肥盛多痰鬱滯者。用橘皮。摘碎如豆大。湯泡淨。以飛羅麩拌炒。去麩爲末。黑糖調二錢。醇酒服之。又方用蟹殼煨存性。醇酒服三錢。又乳房焮腫。用貝母栝蒌實甘草節各三錢煎服。効已潰。加忍冬一兩佳。○乳巖屬肝脾二藏。久鬱氣血。虧損。故初起小核。結於乳內。肉色如故。其人內熱。夜熱。五心煩熱。肢體倦瘦。月經不調。益氣養營湯加味。

逍遙散多服漸散氣虛必大劑人參專心久服其核
漸消若服攻堅解毒傷其正氣必致潰敗多有數年
不潰者最危潰則不治周季芝云乳癖乳巖結韌未
潰以活鯽魚同生山藥搗爛入麝香少許塗塊上覺
癢極勿搔動隔衣輕輕揉之七日一塗旋塗漸消若
荏苒歲月以致潰腐漸大類蒸巖色赤出水深洞臭
穢用歸脾湯等藥可延歲月若誤用攻伐危殆迫矣
曾見一婦乳房結核如杯數年諸治不効因血崩後
日服人參兩許月餘參盡二觔乳核霍然

陰瘡○婦人陰瘡乃七情鬱火傷損肝脾溼熱下注
其外證有陰中舒出如蛇俗呼陰挺有翻突如餅俗
呼陰菌亦有如雞冠如鼠乳亦有生諸蟲腫痛溼癢
潰爛出水脹悶脫墜者其內證口乾內熱體倦經候
不調飲食無味晡熱發熱胸膈不利脇腹不調小腹
痞脹赤白帶下小水淋瀝其治法腫痛者四物加柴
胡山梔丹皮膽草溼癢者歸脾湯加山梔柴胡丹皮
淋瀝者龍膽瀉肝湯加白朮丹皮潰腐者加味道遙
散腫悶脫墜者補中益氣加山梔丹皮佐以外治之

法可也。若陰中有蟲，養痛乃肝經溼熱。此惟獨陰無陽鬱火內蘊所致。患此者必骨蒸潮熱，經水不調，乾欬吐紅，面赤聲啞。雖日用開鬱降火之藥，多不能愈。大抵五志之病，非藥可醫，而失合證治尤難。外治之法，以桃仁研膏，和雄黃末，輕粉塗猪肝，納陰中，并用肥湯煎苦參洗滌，或以鯽魚膽塗之。然旋治旋發，如菌蒂生蟲，不腐不止。又有交接時輒出血，作痛，此肝傷而不能藏血，脾傷而不能攝血也。多用加味逍遙散，加肉桂或歸脾湯，下加減八味丸，自愈。

爲而不謂。雖血。則。對。循。不。論。高。血。世。交。用。地。寒。節。盡。
茵。帶。至。盡。不。濟。不。由。人。有。交。對。神。神。出。血。并。流。此。神。
照。對。煎。苦。參。武。雜。強。如。強。魚。強。強。然。強。能。強。強。強。
去。以。此。對。得。管。城。城。黃。米。神。強。全。論。強。強。強。中。并。以。
大。并。五。志。之。強。非。藥。世。醫。而。式。合。爲。第。武。強。我。命。之。
卷。出。球。而。表。強。聖。強。強。目。以。強。強。強。入。之。藥。多。不。論。愈。
則。鬱。火。內。強。強。定。強。出。香。必。骨。強。強。強。強。強。本。不。論。強。
并。下。出。香。強。中。有。強。強。強。強。強。強。強。強。強。強。強。強。強。

嬰兒門上

脈法

小兒三歲已內。看虎口食指寅卯辰三關。以驗其病。脈紋從寅關起。不至卯關者。易已。若連卯關者。難愈。若寅侵卯。卯侵過辰者。最劇。其脈紋見五色。如因驚必青。熱則赤。風熱瀉利。色紫。當以類推之。又紋色顯而有縈紆者。爲有胃氣。易治。紋色細淡而直如刀刃者。乃正氣之虛。難治。紋上另有一點。如流珠者。爲宿食。紋傍另有一條如絲縷者。爲風痰。紋斜向內者。易

已斜向指甲者難愈。三歲後則以一指轉側辨其脈。五六歲後脈六七至爲平脈。浮爲風，浮大而數爲風熱，沉細爲寒，沉潛爲傷食，伏結爲物聚，微細爲疳積，爲腹痛。浮而洪爲有熱，浮而遲爲有寒，弦急爲氣不和，促結爲虛驚，脈亂不治。此論脈之大端也。

面目證

左腮屬肝，右腮屬肺，額上屬心，鼻屬脾，頤屬腎，青主驚積不散，紅主痰積驚熱，黃者食積癥癖，白主泄瀉，水穀黑土腎氣受傷。○目內赤者心實熱，淡紅者心

虛熱。青者肝實熱。淡青者肝虛熱。黃者脾實熱。白而
混者肺實熱。目無精光者腎虛也。若目無大眦者。五
藏皆不滿。兒多不育。

五藏虛實寒熱

心主驚。實則叫哭發熱。飲水而搐。虛則困卧而悸。心
熱則合面睡。或上竄咬牙。心氣實則喜仰卧。肝主
風。實則面青目直。叫哭壯熱。項急頓悶。虛則咬牙呵
欠。肝熱則手循衣領及亂捻物。壯熱飲水喘悶。肝有
風則目連劄。得心熱則發搐。或筋脈牽緊而直視。肝

熱則目赤兼青則發搐風甚則身反張強直○脾主
困實則身熱引飲虛則吐瀉生風若面白腹痛口中
氣冷不思飲食或吐清水者脾胃虛寒也呵欠多睡
者脾氣虛而欲發驚也○肺主喘實則悶亂氣急喘
促飲水虛則哽氣出息肺熱則手搖眉目鼻面肺盛
復感風寒則胸滿氣急喘嗽上氣肺藏怯則唇白若
悶亂氣粗喘促哽氣者肺虛而邪實也○腎主噓皆
胎稟虛怯神氣不足目無精光面白顛解此皆腎正
雖育不壽或目畏明下窺者蓋骨重則身縮也咬牙

者腎水虛而不能制心火也。惟痘瘡有實則黑陷證。乃邪火亢盛非正氣之實也。

變蒸

小兒變蒸。變者變其情智。蒸者蒸其血脈。大抵三十二日爲一變。每經變畢則情智異常。全嬰方論云。變蒸者以長氣血也。變者上氣。蒸者發熱。輕則體熱虛驚耳冷。靨冷微汗。唇生白泡。三日可愈。重者寒熱脈亂。腹疼啼叫不能乳食。食卽吐。五七日方愈。變蒸之時不欲驚動。當其時有熱微驚。慎不可治。及灸刺但

孰視之。若良久不已。少與紫丸微下。熱歇便止。若於
變蒸之中。加以時行溫病。或非變蒸而得時行病者。
其證皆相似。惟耳及尻通熱。口上無白泡。當先服黑
散。以發其汗。汗出。溫粉粉之。熱歇便瘥。若猶不除。乃
與紫丸微下之。小兒稟虛之所不免。勿藥可也。嘗見
小兒變蒸。發熱有痰。投以抱龍丸。卒至不救。若不熱
不蒸。畧無證候。而暗變者。稟氣壯實故也。

胎證

小兒胎證。謂胎熱。胎寒。胎黃。胎肥。胎弱。是也。胎熱者。

生下。有血色。旬日之間。目閉。面赤。眼胞腫。啼叫驚煩。壯熱。溺黃。大便色黃。急欲食乳。此在胎中受熱。及膏粱內蘊。宜用清胃散之類。胎寒者。初生面色晄白。啼聲低小。或手足攣屈。或口禁不開。此母氣虛寒。或在胎時。母過食生冷。或感寒氣。宜用五味異功散之類。胎黃者。體目俱黃。小便秘澀。不乳啼叫。或腹膨泄瀉。此在胎時。母過食炙煇辛辣。致生溼熱。宜用瀉黃散之類。胎肥者。肌肉稟厚。目睛粉紅。彌月後。漸瘦。五心煩熱。大便不利。口吻流涎。此受母之胃熱所致也。乳

母服大連翹湯。兒亦飲少許以疏利之。胎弱者。面無
精光。肌體瘦薄。身無血色。大便白水。時時哽氣及噓。
因父氣不足者。六味地黃丸。因母氣不足者。八珍湯。
母子竝服。近世初生小兒。槩與化毒丹及黃連犀角
貝母甘草硃砂之屬。殊不知此惟身面皆赤。胎稟多
熱毒者爲宜。若身面皆白。胎稟虛寒。本來少毒者。服
之。反伐其始生之氣。多致夭枉。當用連皮胡桃肉三
枚。研極爛。橄欖核三枚。燒存性。明雄黃研細。水飛淨。
三分甘草煎濃汁。和生白蜜數匙。研勻攪去滓。時時

溫服。引出腎藏之毒。嘗見服此者。多不出痘。卽出亦
稀。而無苦寒傷胃之患。可不辨虛實寒熱。而漫投化
毒之劑乎。

胎毒

小兒初生。其身如有湯潑火傷者。皆母過食膏粱所
致。母服清胃散。逍遙散。清其氣血。兒亦常飲數滴。有
身無皮膚而焮赤發熱者。皆由產母胃中火盛也。用
熟石膏末。加珍珠粉撲之。亦有因父遺毒所致。當從
徽瘡毒治。夏月以兒卧蕉葉上。尤良。有身無皮膚而

不歛赤者。皆由產母脾肺不足也。以參耆末加珍珠粉撲之。脾主肌肉。肺主皮毛。故知病脾肺也。子母俱服保元湯。如腦額生瘡者。火土相合。溼熱攻擊髓海也。難治。脚上有瘡者。陰虛火盛也。不滿五歲而死。如未滿月而撮口握拳腰軟者。此肝腎中邪勝正弱也。三日內見者。必不治。如男指向裏。女指向外。尚可治。鈎藤散主之。

噤風撮口臍風

小兒初生噤風者。胎中受熱毒流心脾。生下復爲風。

邪所搏。致眼閉口噤。啼聲不出。舌上如粟。口吐白沫。七日內見者。百無一生。○撮口者。因胎熱兼風。自臍而入心脾。致面目黃赤。氣息喘急。聲不出。舌強唇青。口撮腹脹。急於顛門灸七壯。灸之不哭。弔腸吐沫者。不救。○臍風者。因斷臍之後。爲水溼風邪入於心脾。致腹脹臍腫。四肢厥直。啼不吮乳。甚則撮口發搐。七日内患者。最危。宜用麝香蠟尾銅絲。輕粉辰砂爲散。薑湯調服。若臍邊青黑。撮口噤。是爲內搐。不治。若齒齲有泡。如粟挑破。卽開。不必用藥。

急欲乳

急欲乳不能食者。此風邪由臍而蘊心脾。致舌乾唇燥。不能吮乳也。因外邪而唇口撮緊者。名臍風。多不可救。若心脾有熱。舌尖痛不能吮乳者。以柳華散敷之。目閉口噤。啼聲不出。吮乳不得。而吐沫者。辰砂膏塗乳。令兒吮之。若舌下腫如小舌者。或舌絡牽痛。或齒齦患白星。俱用線鍼刺出毒血。亦敷柳華散。凡鍼重舌。以鍼向外橫挑底尖細脈。不可傷其本絡。輕則言語不清。重則血出而死。若暴病發熱。作渴飲冷。口

舌生瘡。大便秘結。瀉黃散。若病後發熱。口渴飲湯。大便不實。異功散。或口角流涎。或痰氣壅盛。脾不能攝也。六君子湯。若兒自食甘肥。或母食酒麪。致兒口舌生瘡。清胃散。

弄舌

脾藏虛熱。令舌絡牽緊。時時微露。而卽收者。名弄舌。屬心脾。虧損溫脾散。有熱人參安胃散。舌舒長而良久不收者。名吐舌。乃心脾積熱。或兼口舌生瘡。作渴飲冷。屬胃經實熱。並用瀉黃散。若飲水者。脾胃虛而

津液少也。兼面黃肌瘦。五心煩熱者。疢瘦也。胡黃連丸。大病未已而弄舌者凶。

遊風猴疰

丹瘤之證。俗名遊風。因胎毒客於腠理。搏於氣血。發於皮膚。其赤暈遊走者。乃血隨風熱也。若發於胸脇。遊走四肢者。輕發於頭面四肢。延及胸背脇腹者。重。○千金云。赤遊風腫若徧身。入心腹者。卽能殺人。伏龍肝爲細末。雞子白和傅。勿令乾。或加髮灰。豬膏傅之。古人云。從四肢起入腹囊者。皆不治。當令人用力。

於各患處遍吮毒血各聚於一處急砭出之內眼小劑活命飲惟百日內禁食若肚腹膨脹二便不通毒入內也用大連翹湯亦有生者或用雄黃二分硃砂一分水飛生蜜水調勻隔湯溫熱常服數匙得瀉其毒便解在小腹脇上陰囊等處忽紅腫如霞流行不定不止一處者用白殼胡桃七箇連殼槌碎大川連一錢五分生甘草節去皮二錢水煎頓熱陸續勤服鄉村不便醫藥者以生菜蕨搗汁塗之亦可灌服數匙更以萊菔滓絹包烘煖裹紅腫處○猴疔者狀如

圓癰色紅從醫而起漸及遍身四圍皮脫中露赤肉
醫者若猴之狀乃胎中毒邪畜於腎藏而發不急治
必死用大川連生甘草各六分乳香沒藥並炙雄黃
水飛各四分青黛研淨硃砂水飛各分半西半黃一
分各爲細末和勻每服分半蜜調燈心湯下日三夜
二服外用淨青黛二錢黃蘗末微炒閉口連翹炒黑
人中白火煨醋淬各一錢土貝母去心炒褐色五錢
爲末和勻臨用入西半黃冰片各半錢麻油調傅神
効

胎驚

小兒胎驚者因妊娠飲酒忿怒驚跌或外挾風邪內傷於胎兒生下卽病也若月內壯熱翻眼握拳噤口出涎腰強搐掣驚怖啼顛縮顛開頰赤面青眼合者當疎風利驚化痰調氣及貼顛法若面青拳搐用鈎藤散切不可誤作脾風妄用溫藥若眉間色赤或虎口指紋曲裏者可治鈎藤散加全蠍若眉間青黑者不治大抵小兒藏府脆弱不可輒用銀粉鎮墜之劑反傷真氣多致不救也

目睛瞤動

目者肝之竅也。肝膽屬風木二經。兼爲相火。肝血不足。則風火內生。故目睛爲之瞤動。經曰：曲直動搖。風之象也。宜四物湯滋其血。柴胡山梔清其肝。陰血內營。則虛風自息。兼用六味丸以滋其源。若愈後驚悸不寐。或寐中發搐呀牙。目睛瞤動者。血虛不能榮筋脈也。補中益氣倍歸耆。凡病氣有餘。皆屬元氣不足。况此證兼屬肝脾。多爲慢驚之漸。尤當審之。

脣口蠕動

脣爲脾之華。陽明之脈環脣而交人中。是以脾胃虛者多有此證。不獨病後而已。夫脾主涎。脾虛則不能收攝。多兼流涎。或誤認爲痰。而用祛逐之藥。則津液益枯。不能滋養筋脈。遂致四肢抽搐。病勢愈甚。原其治法。與慢脾風相同。當大補脾胃。六君子加升柴。切禁青皮龍膽草伐肝之藥。若兼四肢微搐。或潮熱往來。或泄瀉嘔吐。面色痿黃。皆脾胃受傷也。加黃耆當歸。白芍。若脾氣下陷。而肝木侮之。補中益氣以升其陽。加苓半芍藥。制肝補脾。切不可踈風治驚之

藥

發搐

驚癇發搐。多因乳母鬱怒傳兒。胎由傷驚。恐致病證。多吐乳。面青。若痰涎紅。當兼調治。其母切不可。握拳。拇指入食指中。為。指為逆。於外為順。凡小兒忽然驚。風熱。若肝虛生風。則目連。割而不。若肝經風實。則目直大。呵欠。項。

受患。或生後乳。積則壯熱。面。驗其順逆。男則。逆。女則。又入食。目直者。皆肝經。及多呵欠。咬牙。頓悶。若用經有。

熱則目直視不濇。得心熱則搖。捻物宜瀉肝熱爲主。凡病之新內動。則上人於目。故目爲之連筋脈。兩眦俱緊。不能轉視。故目中焦。致清陽不升。濁陰不降。致生虛風者。若胸滿腹瀉。重則探吐攻積。更須審其所傷。冒吐瀉致土敗水侮。而生虛風。輕用之反成其風。而益其病。

○證手循衣領及亂。八皆能引動肝風。風。○若熱入於目。牽其。且也。亦有飲食停滯。不生發之氣。不得升。○食輕則消導化痰。○物熱物亦有因感。○不可遽服驚藥。若。○潔古云傷風發搐。

舞風之及知其風而益其成也 ○蒙古之天馬風發奇

冒也為發土頰木嶺而主虛風 昏不可察眼驚樂甚

重振發柱文畫復原密慈傳舞 亦不察眼驚樂甚

交律強強痛慈密密密密密密 亦不察眼驚樂甚

中熱氣為其具狀強斜亦不察 亦不察眼驚樂甚

煎煎兩背如製各曲舞舞如目 亦不察眼驚樂甚

內轉眼土人外目文目為之數 亦不察眼驚樂甚

外轉宜為和蔡為主凡疎之條 亦不察眼驚樂甚

蔡氏目高強各密對必其四強 亦不察眼驚樂甚

亦不察眼驚樂甚

亦不察眼驚樂甚

亦不察眼驚樂甚

亦不察眼驚樂甚

亦不察眼驚樂甚

亦不察眼驚樂甚

亦不察眼驚樂甚

亦不察眼驚樂甚

亦不察眼驚樂甚

亦不察眼驚樂甚

為食料。微塵。非。不。合。與。訓。與。法。清。調。實。熱。白。指。手。中。

食。官。武。室。計。離。止。白。指。手。下。之。後。而。法。曰。安。野。武。法。

身。能。獨。學。時。矣。昔。身。食。身。變。計。身。識。多。朝。法。止。不。思。

登。不。念。各。當。實。野。止。離。祇。金。菩。意。命。其。風。學。恐。野。康。或。

變。熱。而。變。箭。蓋。當。野。離。離。高。風。派。昔。水。派。到。熱。而。前。

爾。輒。止。大。和。武。以。慈。根。木。隨。野。增。以。前。刊。火。因。風。派。

派。寄。口。派。不。熱。計。而。無。代。靈。法。派。野。康。宜。異。派。法。增。以。

口。中。康。燕。計。而。休。代。靈。法。派。派。實。宜。大。青。膏。以。如。康。

當。野。自。派。燕。派。用。大。青。膏。派。派。命。公。野。康。野。派。派。派。

當辨有汗無汗。用大青膏。小

命分治。薛按前證。若

口中氣熱。搖而有力。屬形病。

實。宜大青膏以散風。

邪。若口氣不熱。搖而無力。屬形

病俱虛。宜異功散以

補脾土。六味丸以滋肝木。鈎

飲以清肝火。因風邪

鬱熱而變。諸證當理肺經清風。

邪。若外邪既解而諸

證不愈者。當實脾土。補肺金。若

竟治其風。恐脾氣復

傷。諸證蜂起矣。若傷食後發。搖

身溫多睡。或吐不思

食。宜先定搖。搖止。白餅子下之。

後與秘旨安神丸。若

飲食停滯。嘔吐不食。腹脹便秘。

者。屬實熱。白餅子下

之。若下後。搐熱益甚。嘔吐不食者。屬虛熱。異功散補之。若脾胃既傷。肝火所勝。六君子加鈎藤鈎以健脾胃。平肝木。大凡飲食既消而不愈者。但調補脾胃。則諸邪自退。○百日內發搐。真者不過兩三次必死。假者頻發不死。真者內生驚癇。假者外傷風冷。血氣未實。不能勝任。故發搐也。口中氣熱。大青膏及塗顛法。并用大青膏加白礬。取三錢。入桃枝一握煎水浴之。勿浴兒背。此卽浴體法也。前證多因胎中受患。或乳母鬱怒。傳兒。或兒脾傷。自病。當固元氣爲主。凡搐頻。

者。風在表易治。宜發散。搐稀者。風在藏難治。宜補脾。

癩癩

錢仲陽云。小兒發癩。因氣血未充。神氣未實。或爲風邪所傷。或爲驚怪所觸。亦有因乳母七情驚怖所致。若眼直目牽。口噤流涎。腹膨搐弱。背項反張。腰脊強勁。形如死狀。或一時二時醒。若反折上竄。其聲如雞。屬肝。抽搐有力。爲實邪。柴胡清肝散。大便不通者。瀉青丸。陰虛地黃丸。若目瞪吐舌。其聲如馬。屬心。發熱飲冷。爲實熱。硃砂安神丸。發熱飲湯。爲虛熱。辰砂妙。

香散。若目直腹痛。其聲如牛。屬脾。若發熱。抽掣仰臥。面色光澤。脈浮。病在府。爲陽。易治。加味導痰湯。身冷不搐。覆卧。面色黯黑。脈沉。病在藏。爲陰。難治。六君子加木香。柴胡。若驚跳反折。手縱。其聲如羊。屬肺。面色痿黃者。土不能生金也。五味異功散。面色赤者。陰火上衝於肺也。地黃丸。若肢體如尸。口吐涎沫。其聲如豬。屬腎。地黃丸。用紫河車膏代蜜丸服。腎無瀉法。故悉從虛治。凡有此證。先宜看耳後高骨間。有青紫紋。爪破出血。可免其患。此皆元氣不足之證。須常用六

味丸加鹿角膠或八味丸用鮮河車膏代蜜以助先天更以六君子補中益氣以助後天設若泛行尅伐復傷元氣則必不時舉發久而危殆多致不救凡癩癩虎口脈亂乃氣不和也脈紋見有五色由其病甚色能加變至於純黑者不可治也

睡中驚動

小兒睡中驚動由心腎不足所致蓋藏府脆弱易爲驚恐夫人之神氣寤則行於目寐則棲於腎今心腎既虛則不能寧攝精神故睡中驚動也治宜清心安

神亦有驚嚇而作者。因擊動其肝。故魂不安也。宜抱龍丸以豁痰鎮驚。若食鬱生痰。驚動不安者。用四君子以健脾加神。麴半夏以化痰。山梔柴胡以清熱。

目動咬牙

小兒驚後目微動咬牙者。皆病後亡津液。不能榮其筋脈也。亦有肝經虛熱生風者。宜審其氣血有餘不足而治之。其日中發熱飲冷而動者。氣有餘也。瀉青丸。夜間盜汗及睡不寧而動者。血不足而肝腎有熱也。地黃丸。或因肝經風邪傳於脾腎者。亦令咬牙先

用柴胡清肝散。次用五味異功散。六味地黃丸。若因脾胃虛熱。補中益氣。加芍藥。山梔。實熱瀉黃散。以牙齦屬手足陽明故也。

搖頭使血

經曰。諸風掉眩。皆屬於肝。肝屬木。木得風則搖動。乃肝經火盛而生虛風也。使血者。風木搖動。則土受凌虐。而不能統血也。或因乳母恚怒。風熱熾盛。肝木傷脾。使清陽不升。亦有風邪侵入大腸者。治法。若因風熱。柴胡清肝散。若因怒火者。小柴胡湯加白芍。丹皮。

若清氣不升。脾氣下陷者。補中益氣湯。肝經血熱妄行者。六味地黃丸。脾土不能培肝木者。六君子加柴胡。鈎藤鈎。

偏風口噤

小兒偏風者。少陽厥陰肝膽二經證也。口噤者。由風木太甚。而乘於脾。則筋燥而急。然燥令主於收斂。勁切。或左或右。其因一也。若足陽明胃經氣虛。風邪所乘。其筋脈偏急者。屬內因。若脾肺虛弱。腠理不密。外邪所乘。或吐瀉後。內亡津液。不能養肝。致口眼喎斜。

皆屬肝血不足。內火生風。宜滋腎水。養肝血。壯脾土。
治法。脾胃虛而動風者。異功散。加柴胡。鈎藤。鈎肝。肺
虛而外邪所乘者。鈎藤。飲。若兼目緊。上視。寒熱往來。
小便淋瀝。面青。脇脹。皆肝經本病也。或脣口喎斜。腹
痛。少食。目胞浮腫。面色青黃。肢體倦怠。皆肝木乘脾
證也。當審五藏相勝而主之。設執其見證。槩投風藥。
反成壞證矣。

角弓反張

角弓反張。卽是痙病。經脈空疎。虛風襲入。而致筋脈

拘急或因驚駭停食。肝脾受困。內動虛風。皆能致此。若身反張強直。發熱不搖者。風傷太陽也。人參敗毒散。小續命湯。因驚駭目直呵欠。項強頓悶者。爲木風內病。鈎藤散。因暴怒擊動肝火者。瀉青丸。若服前劑。其證益甚者。此邪氣已去。而脾氣虧也。異功散。加芎歸補之。若氣血素弱。或服攻伐之劑。而手循衣領。咬牙呵欠者。肺經虛甚也。兼進六君子地黃丸補之。

急驚

錢氏云。小兒急驚。因聞大聲。或驚而發。搐搐止如故。

此熱生於心。身熱面赤。引飲口中氣熱。二便黃赤。甚則發搐。蓋熱盛生風。陽盛而陰虛也。經曰熱則生風。風則痰動。痰熱客於心膈間。風火相搏。故抽搐發動。當用抱龍丸。瀉青丸。除其痰熱。不可用巴豆之藥。事全善云。急驚屬木。火土實。木實則搐。有力及目上視。火實則動。割頰。睛土實則身熱面赤。而不吐瀉。偃睡。合睛治法。宜涼。宜瀉。用利驚丸等。亦有因驚而發者。牙關緊急。壯熱涎潮。竄視反張。搐搦顛動。唇口眉毛。眨引。口中熱氣。頰赤。唇紅。二便秘結。脈浮洪數。緊。此

內有實熱。外挾風邪。當截風疔搐。若痰熱尚作。仍微下之。痰熱既泄。急宜調養脾氣。此肝膽血虛。火動生風。蓋風生則陰血愈散。陰火愈熾。若屢服祛風化痰瀉火辛散之劑。不愈。便宜認作脾虛血損。急以六君子湯補其脾胃。否則必變慢驚也。急驚而見目睛翻轉。足擺跳搐。忽大叫吐逆。藥不得入。搐鼻無嚏者。不治。

慢驚

錢氏云。小兒慢驚。因病後。或吐瀉。或藥誤。傷損脾胃。

肢體逆冷。口鼻氣微。手足痲癱。昏睡露睛。此脾虛生風。無陽之證也。因吐瀉脾肺俱虛。肝本所乘。或急驚。屢用瀉熱。則脾損陰消。遂變慢驚。而致痲癱微搐。婁全善所謂木虛則搖。而無力。火虛則身寒。口中氣冷。土虛則吐瀉。睡而露睛。治宜溫補脾胃。六君子。薑桂。蠅尾。或兼夾熱。夾食。夾痰。與外感證相似者。當審其因而治之。大率吐瀉痰鳴。氣喘。眼開神緩。昏睡露睛。驚跳搖擗。乍發乍靜。或身熱肢冷。面淡唇青。其脈沉。遲微緩者。是也。當溫補脾氣爲主。佐以安心制肝藥。

若稟賦不足。或久病脾虛。及常服尅伐之藥者。多致此證。若因土虛不能生金。金不能平木。木來侮土。致成慢驚者。五味異功散。加當歸。棗仁。鈎藤。以補土平木。若脾土虛寒者。六君子加烏頭。蠅尾。泄瀉加炮薑。木香。不應急加附子。以回陽氣。凡元氣虧損。而致昏慣者。急灸百會穴。若待下痰不愈。而後灸之。則元氣脫散。而不救矣。此乃藏府傳變已極。總歸虛處。惟脾受之。無風可逐。無驚可療。因脾虛不能攝涎。故津液妄泛。而似痰者。當依前法。自効。若不審其因。泛用祛

風化痰之劑。反促其危也。每見小兒脾胃弱者。一病
卽成慢驚。不可泥爲久病。誤藥而後始成也。內經謂
之慢脾風。意可見矣。慢驚而見目不轉睛。痰鳴如拽
鋸聲。項軟身冷。粘汗手足一。邊牽引者。不治。○喻嘉
言曰。小兒初生。以及童幼。肌肉筋骨。藏府血脈。俱未
充長。陽則有餘。陰則不足。故易於生熱。熱甚則生痰。
生風。生驚。亦所恆有。設當日直以四字立名。曰熱痰
風驚。則後人不眩。因四字不便立名。乃節去二字。後
人不解。遂以爲奇特之病。且謂此病有八候。以其頭

搖手勁也。而立抽掣之名。以其卒口噤脚攣急也。而立目邪心亂搐搦之名。以其脊強背反也。而立角弓反張之名。相傳既久。不知其妄造。遇此等證。無不以爲奇特。而不知小兒之腠理未密。易於感冒風寒。病則筋脈牽強。因筋脈牽強。生出抽掣搐搦角弓反張。種種不通名目。而用金石藥鎮墜外邪。深入藏府。干中于死。間有體堅證輕得愈者。又詫爲再造奇功。遂至各守耑門。雖日殺數兒。不自知其罪矣。如方書中有云。小兒八歲以前。無傷寒。此等胡言。竟出自高明。

偏足爲驚風之說。樹幟曾不思小兒不耐傷寒。初傳太陽一經。早已身強多汗。筋脈牽動。人事昏沉。勢已極於本經。湯藥亂投。死亡接踵。何由見其傳經解散耶。此所以誤言小兒無傷寒也。不知小兒易於外感。易於發熱。傷寒爲獨多。世所妄稱爲驚風者。卽此也。小兒傷寒。要在三日內卽愈。爲貴。若待經盡方解。必不能耐矣。又剛瘳無汗。柔瘳有汗。小兒肌腠不密。故剛瘳少。柔瘳多。世醫見其汗出不止。神昏不醒。往往以慢驚風證爲名。而用參耆木附等藥。閉其腠理。熱

邪不得外越。亦爲大害。但比金石藥爲差減耳。所以凡治小兒之熱。但撤其出表。不當固其入裏也。仲景原有桂枝湯法。若舍而不用。從事東垣內傷爲治。毫釐千里矣。

天鈞內鈞

天鈞者。發時頭目仰視。驚悸壯熱。兩目反張。淚出不流。手足搐掣。不時悲哭。如鬼祟所附。甚者爪甲皆青。蓋由乳母厚味積毒在胃。致兒心肺生熱。熱熱痰鬱滯爲患。加以外挾風邪而發。法當解利其邪。鈞藤飲面。

色皎白氣虛喘促者四君子湯加蠟尾內釣者腹痛
多喘脣黑囊腫僵僂反張眼尾赤色若內藏抽掣作
痛狂叫或泄瀉縮腳內證一作則外證亦然極難調
理內證烏蠟六君子丸外證鈎藤飲進乳食者可治
若因乳母醇酒厚味積毒在胃加味清胃散若因乳
母鬱怒積熱在肝加味逍遙散稍加漏蘆母子俱服

盤腸氣痛

小兒盤腸氣者痛則曲腰乾啼額上有汗皆由肝經
風邪所搏也肝腎居下故痛則曲腰乾啼者風燥其

液故無淚也。額上有汗者，風木助心火也。口閉足冷者，脾氣不榮也。下利清糞者，肝木乘脾也。丁香棟實丸，曲腰乾啼者，鹽湯送下。額上有汗者，葱豉湯下。口閉足冷者，人參湯下。若面赤脣焦，小便不通，小腹脹痛者，小腸熱也。加味通心散，若痛不止，煎葱湯淋揉其腹，就以熱葱熨臍腹間，良久尿出，痛止。若因乳母飲食停滯者，保和丸。怒動肝火者，加味逍遙散。子母俱服。

傷風

小兒傷風。鼻塞發熱。或痰壅發搐。多因乳母鼻吹。額門。但服惺惺散。或用葱頭七莖。生薑一片。細切。搗爛。攤紙上。置掌中。合待溫。貼於額門。其邪卽解。乃去其葱。却用絹緞寸餘。塗以麪糊。仍貼額門。永無傷風之患。其餘用藥發散。與大人不異。但脾胃怯弱。所以多手足寒冷之證。故治法以照顧脾胃爲主。

諸經發熱潮熱

小兒之熱。有五藏之不同。虛實之各異。實則面赤氣粗。口燥唇腫。作渴飲冷。大小便難。或掀衣露體。煩啼。

暴叫伸體而卧。睡不露睛。手足指熱。宜用汗。下虛則
面色青白。恍惚神緩。口中虛冷。噓氣軟弱。喜熱惡寒。
泄瀉多尿。或乍涼乍溫。怫鬱驚惕。上熱下泄。夜則虛
汗。屈體而卧。睡而露睛。手足指冷。宜用調補。○壯熱
者。肢體大熱。熱不已。則發驚癇。若身熱而口中氣熱。
乃風寒外感也。輕則惺惺散。重則羌活之類。發熱而
搐搦上竄。拘哭昏睡者。驚熱也。實則瀉青丸。抱龍丸。
虛則鈎藤散。肝火內熱者。龍膽瀉肝湯。陰盛格陽而
熱者。理中湯。發熱而不欲飲水者。胃氣虛熱也。白朮

散發熱而飲水作渴喜冷飲食者胃氣實熱也。瀉黃
散小兒諸熱其因外證而作者當從外證治之。或乳
母七情厚味飲食停積遺熱於兒。或兒嗜食甘肥衣
裳過煖。或頻浴熱湯積熱於內。爲患者當詳其因而
治之。○潮熱者時間發熱卽退來日依時而至。有風
寒疢積食癖之分。表裏陰陽虛實之異。如汗出身熱
呵欠面赤風熱也。傷寒時疫陰陽相勝外感熱也。肌
瘦口乾骨蒸盜汗疢熱也。大小便秘濇汗下不解積
熱也。腹背先熱夜發旦止食熱也。涎嗽飲水乳食不

消癖積也。又有煩熱者。氣粗喘促。心煩不安。頰赤口
瘡。兼發癩證。瘡疹熱者。耳鼻尖冷。心熱者。已午間發。
至夜則涼。虛熱者。困倦少力。大凡壯熱飲水。大便秘
結。屬實熱。瀉黃散加黃耆犀角。熱渴飲湯。大便如常。
屬陰虛。六味丸。若見驚搐等證。肝經血虛生風也。四
物加天麻。鈎藤。鈎頰赤。口乾小便赤。色大便焦黃。表
裏俱實熱也。清涼飲。如大便已利。或熱未止。表邪未
解也。惺惺散。微汗之。陽氣下溜於陰中。而發熱者。補
中益氣。若食乳嬰兒。當兼治其母。○小兒潮熱。或壯

熱不退多是變蒸及五藏相勝不必用藥又多食積鬱熱由中發外見於肌表只理其中清陽明之熱而表熱自除不可認作外感用解表攻裏等藥重傷其內又潮熱不退恐是出痘亦當審察勿便下藥大抵發熱飲水者熱在內不飲水者熱在外宜詳辨之

傷寒夾驚夾食

錢仲陽云小兒正傷寒者謂感冒寒邪壯熱頭痛鼻塞流涕畏寒拘急是也夾驚者因驚而又感寒邪或因傷寒熱極生風是熱乘於心心神易動故發搐也

羌活散解之。不可使用抱龍丸。以有硃砂。能鎮固其邪也。夾食者。或先傷風寒。後復停滯。飲食。或先停滯。飲食。而後傷風寒。以致發熱。氣粗。噯氣。壯熱。頭疼。腹脹。作痛。大便酸臭。先用解散。次與消導。不解者。大柴胡湯。周歲已前傷寒。熱輕者。惺惺散。周歲已後。須解表。微汗。若五六日不除。邪入經絡。傳變多端。不可枚舉。大畧。參以六經例治之。

欬嗽

兒因腠理不密。外邪內蘊。或因乳母七情。厚味鬱熱。

若風邪外傷。鼻流清涕。頭痛身重者。參蘇飲。○小兒傷寒發熱。欬嗽頭面熱。千金用麻黃湯。加石膏黃芩芍藥生薑。○小兒發熱喘欬喉中水雞聲。千金射干湯。若嗽而吐青綠水者。六君子加柴胡桔梗。若嗽而吐痰乳者。但加桔梗。勿用柴胡。嗽而嘔苦水者。膽汁溢上也。二陳湯加黃芩。嗽而喉中作梗。心火刑金也。桔梗湯加山梔。有痰加半夏茯苓。風熱加萎蕤薄荷。小兒嗽久不止。服發散之藥不應。至夜微熱。急當改用小劑六味地黃。以濟其陰。若面目浮腫者。五味異

功以益其氣。其嗽立止。切禁升發及助氣藥。若痰中有血。或嗽則鼻衄。須加紫苑。因風熱痰結。屢嗽痰不得出者。必用萎蕤白蜜以潤之。○百日內嗽者。名乳嗽。甚難調理。桔梗湯。隨證加薄荷紫蘇羌活前胡葱白香豉之類。更須禁其吮乳。但與粥湯乃効。風邪外感者。惺惺散。痰熱既去。而氣粗痰盛。或流涎者。脾肺氣虛也。異功散。加桔梗。口瘡眼熱。五心煩熱。腹滿氣粗。大便堅實者。涼膈散。若因乳母食五辛厚味。致兒爲患者。母服清胃散。仍參所見諸證治之。

喘

喘急之證。有因暴驚觸心者。有因風寒之邪壅盛者。有因膏粱積熱熏蒸清道者。有因過服消導脾胃氣虛者。然喘與氣急有輕重之別。喘則欲言不能。隘於胸臆。氣急則但息短。心神迷悶耳。治法因驚者。抱龍丸。風寒傷肺氣者。小青龍湯。或三拗湯。加減熱傷肺氣者。當涼肺定喘痰聲如鋸者。小劑金匱麥門冬湯。加牙硝。脾肺氣虛者。面色青白。四肢不溫。大便不實。五味異功散。薛云。前證因脾肺氣虛。腠理不密。外邪

所乘真氣虛而邪氣實者爲多。若已發之際散邪爲主。未發之先補脾爲主。設槩攻其邪則損真氣。徑補其肺則壅其邪。惟在臨證之活法耳。凡喘嗽小便不利則必生脹。脹則必生喘。當分先後標本治之。

吐瀉

小兒脾胃俱傷則嘔泄並作。傷辛熱停滯則嘔吐出酸穢。或黃色乳。或腹痛下利者瀉黃散。保和丸。選用。胃虛食不化而發熱者六君子加黃連。吳茱萸。木香。若停滯已去泄瀉不已。理中湯去參加茯苓。木香。胃

氣不能化食益黃散若傷生冷腹痛瀉利青白六君子加砂仁木香炮薑若傷魚肉等物六君子加山查砂仁若瀉紅黃赤黑腸胃俱熱也養胃湯加木香黃連若夏秋傷熱吐瀉色黃者玉露散若夏秋霍亂吐瀉手足心熱口乾脣燥喜飲冷水者五苓散凡霍亂吐瀉手足逆冷喜飲熱湯者理中湯若瀉利青白乳食不化額上微汗脈沉遲而或噦逆者由胃氣虛甚過服尅伐使清氣不升濁氣不降以致氣不宣通而作也若瀉而噤臭吞酸胸腹滿痛按之益甚者雖作

瀉而所傷之物未消也。保和丸消導之。腹痛按之不
哭者。乳食已消也。異功散加木香。驚瀉者。肝主驚。木
盛必傳尅於脾。脾土既衰。則乳食不化。水道不調。故
泄瀉色青。或兼發搐也。亦有因乳母脾虛受驚。及怒
動肝火。致兒吐瀉色青。異功六君加柴胡。鈎藤。鈎蠟。
稍之屬。實脾以寧肝。膽之氣。慎勿用峻攻之藥。脾氣
益虛。肝邪彌甚。甚至抽搐反張也。若母食厚味。而乳
熱者。清胃散。若母飲燒酒。而乳熱。或子母身赤。或昏
憤吐瀉。丹方用錫椀盛滾水。蓋良久。取蓋上蒸氣水。

服之卽解。同氣相求之義也。吐痰涎及綠水者。胃虛受冷也。吳茱萸湯。○小兒衣甚薄。則腹中乳食不消。不消則大便酸臭。此欲爲瘕之漸也。便將紫丸微消之。乳哺自當如常。若兒不受食。哺而但欲乳者。此是有瘕。當下之。不下必致寒熱吐利。失下之故也。凡小兒屎黃而臭甚。此腹中有伏熱。龍膽湯微下之。若白而酸臭者。此宿食不消也。當與紫丸。微者少與。藥令內消甚者。稍增藥。令小下。節乳哺數日。令胃氣平和。若不節乳哺。則病易復。復下之。則令腹脹滿。必發癩。

此爲食癩。輕則下之。重則難療。○大凡吐乳瀉青色。手足乍冷乍熱者。屬驚。法當平肝補脾。若吐瀉青白色。而不甚臭。手足指冷。或昏睡露睛者。屬虛。法當溫補脾土。若吐瀉黃赤色。而臭穢異常。或喜冷飲而睡不露睛。手足指熱者。屬實。法當消導。清理脾胃。此驗虛實補瀉法也。

魛病

海藏云。魛病者。因母有妊兒。飲其乳所致。他孕相迫。亦能致此。其狀微利。寒熱往來。或發熱形瘦。腹大毛

髮拳鬢情思不悅令兒斷乳先與龍膽瀉肝湯加扁
蓄及白餅子下之後與異功散益黃散補之稟氣素
虛不勝攻擊者理中加黃連茯苓扁蓄或一味扁蓄
濃煎日服以其能利小便也

瘥

小兒瘥疾不越風食乳癖食積痰積挾驚挾暑與脾
虛胃弱之不同蓋風則多寒食則多熱乳癖則泄瀉
多哭痰積則嘔吐喘鳴食積則腹脹下血挾驚則發
搐指冷挾暑則昏睡壯熱脾虛則倦怠令胃虛則

多渴少食治法不離疎風消導豁痰如小柴胡隨證
加減。多寒則加羌活桂枝。多熱則加橘皮枳實。泄瀉
則加厚朴神麴。嘔吐則加橘皮枳實。下血則加枳實
黃連。發搐則加鈎藤羌活。昏睡則加茯苓澤瀉。脾虛
則補中益氣。加桂枝。胃虛則六君子。加草薺。夜發則
加當歸。日晏則加升麻。若痢後瘧。瘧後痢。與夫三日
瘧。及久瘧不止。俱補中益氣爲主。瘧母以小柴胡加
鱉甲。桃仁丸服。大抵小兒肌腠疎薄。無汗者絕少。卽
使無汗。稍加桂枝。有汗并加芍藥。不必用知母石膏。

紫蘇羌活輩也。至於勞瘵瘴癘之類。小兒本無不復
贅及其有因乳母七情六淫所致者。又當以小柴胡
逍遙散之類。兼治乳母爲當。

痢

錢仲陽云。瀉利黃赤黑。皆熱也。瀉利清白。米穀不化。
皆冷也。東垣云。白者溼熱傷於氣分。赤者溼熱傷於
血分。赤白相雜。氣血相亂也。羅謙甫云。小兒下利。色
白。大都受寒。下利膿血。大都受熱。與食積。薛云。手足
指熱。飲冷者。爲實熱。香連丸。手心心指冷。飲熱者。爲虛

寒理苓湯。若兼體重肢痲溼熱傷脾也。升陽益胃湯。小便不利。陰陽不分也。五苓散。若溼熱退而久痢不愈者。脾氣下陷也。補中益氣湯。倍升柴。瀉利兼嘔。或腹中作痛者。脾胃虛寒也。異功散。加炮薑木香。或變而爲瘧者。六君子加升柴。若積滯已去。利仍不止者。脾氣虛也。四君子加肉果。有寒加吳茱萸。炮薑。有熱加炒黑宣連。丸服尤妙。

脫肛

實熱則大便秘結。虛寒則肛門脫出。因吐瀉脾虛。肺

無所養。故大腸氣虛下脫也。補中益氣爲主。若脫出
緋赤。或作痛者。血虛有熱也。本方加丹皮芍藥。甚則
加川連。外用槐角煎湯熏洗。若色淡不腫不痛無血。
此屬氣虛。只用補中益氣以升舉之。或加烏梅以收
斂之。大凡手足指熱屬胃熱。手足指寒屬胃寒。若小
兒肛癢。或嗜甘肥。大腸溼熱壅滯。或溼毒生蟲而齧
蝕肛門者。內服肥兒丸。外以雄黃銅絲爲散。納肛門。
若因病不食。蟲無養而蝕肛者。爲狐惑。黃連犀角散。
若蝕肛透肉者。不治。

便血

木通 赤芍 旱蓮草 益母草 木通 旱蓮草 益母草 木通 旱蓮草 益母草

熱入大腸則便血。補中益氣加黃連柴胡。熱入小腸則尿血。六味丸。小兒多因胎中受熱。或乳母六淫。七情厚味積熱。或兒自食甘肥積熱。或六淫外侵而成。糞前見血者。清胃散加槐米。糞後見血者。清胃散加犀角連翹。若嬰兒則以治母為主。餘當臨證制宜。

大便不利

小兒大便不通。肺與大腸有熱也。清涼飲。若飲食夾驚及積滯不通者。瀉青丸。此皆治實熱例也。若因乳

母膏梁積熱。及六淫七情鬱火傳兒爲患者。清胃散
加蜂蜜。清邪解鬱。若兒稟賦怯弱。五心煩熱。作渴引
飲。而大便難者。六味丸加三冬。滋補肺腎。若用大黃
麻仁輩。是速其咎也。

小便不通

小便不利。有在氣在血之分。上焦氣分有火。則必渴。
下焦血分有溼。則不渴。若津液偏滲於腸胃。大便瀉
利。而小便濇少者。五苓散加半芩。人參。若脾胃氣滯。
不能通調水道者。補中益氣加木通。澤瀉。心神煩熱。

臍腹脹悶而小便不通者。梔子仁散。脾肺燥熱陰無以化而赤澇者。黃芩清肺飲。膀胱陰虛陽無以生而淋瀝者。滋腎丸。若膀胱陰虛陽無以化而淋瀝者。六味丸。若因乳母厚味酒麩積熱者。清胃散。

遺尿

膀胱者州都之官。津液藏焉。則陽氣內收。腎與膀胱之氣虛寒不能約制。故睡中遺尿。一味補骨脂酒炒爲散。醇酒或益智仁煎湯送下。脾肺氣虛者。補中益氣加補骨脂山茱萸。

益原疔 諸骨 諸山 米 艾

楊氏云。疔者。府藏蟲疔也。其名甚多。姑舉其要。蟲疔

者。其蟲如絲。出於頭項胸背之間。黃白赤者可治。青

黑者難療。虻疔者。皺眉多啼。嘔吐清沫。中脘作痛。腹

脹青筋。唇口紫黑。頭搖齒癢。脊疔者。身熱羸瘦。煩渴

下利。拍背有聲。脊骨如鋸齒。十指皆瘡。頰嚙爪甲。腦

疔者。頭皮光急。滿頭俱瘡。腦熱如火。髮結如穗。遍身

多汗。腮腫顙高。疔渴者。日則煩渴。飲水不食。夜則渴

止。疔瀉者。毛焦唇白。額上青紋。肚脹腸鳴。瀉下糟粕。

疳痢者。停積宿滯。水穀不聚。瀉下惡物。疳腫者。胃中
有積。肚腹紫脹。脾復受溼。則頭面手足虛浮。疳勞者。
潮熱往來。五心煩熱。盜汗骨蒸。嗽喘枯悴。瀉瀉飲水。
肛硬如石。面色如銀。無辜疳者。腦後項邊有核。如彈
丸。按之轉動。軟而不疼。壯熱羸瘦。頭露骨高。乃乏乳
所致。丁奚疳者。手足極細。項小骨高。尻削體痿。腹大
臍突。號哭胸陷。哺露疳者。虛熱往來。頭骨分開。翻食
吐蟲。煩渴嘔噦。走馬疳者。疳熱上攻。速如走馬。或痘
毒上攻。剝牙齒蝕爛。蓋齒屬腎。腎虛受熱。疳火上炎。

致口臭齒黑。輕則牙齦腐爛。唇吻腫痛。可治。重則牙齦蝕落。腮頰透爛。不治。其證雖多。要不出於五藏。治法。肝疳則煩。左生瘡。眼目赤爛。肢體似癱。兩耳前後項側缺盆兩股結核。或小腹內股莖囊。畢丸腫潰。便溺壅閉。或出白津。或咬指甲。搖頭側目。白膜遮睛。羞明畏日。吐大青筋。口乾下血。用蘆薈丸以殺蟲。地黃丸以滋腎。心疳則口舌蝕爛。身體壯熱。面黃頰赤。或作腫痛。腹滿膈悶。或掌熱咽乾。飲水便出。盜汗齧齒。虛驚。用胡黃連丸以治心。異功散以補脾。脾疳則體

黃而瘦。皮膚乾濇。頭不生髮。或生瘡痂。或人中口吻
赤爛。吐逆乳食。嗜土腹大。脈突。瀉下酸臭。小便濁白。
或合日昏睡。惡聞木音。用肥兒丸以治疳。五味異功
散。或益黃散。以生土。肺疳則鼻外生瘡。咽喉不利。頸
腫齒痛。喘嗽氣促。寒熱少氣。皮膚皴揭。鼻癢出涕。衄
血。目黃。小便混濁。而頻數。用加味香薷丸以治肺。補
中益氣湯以生金。腎疳則腦熱吐痰。手足逆冷。肢體
瘦削。夜則微寒。發熱。滑泄。腹痛。口臭。作渴。齒齲。漬爛。
爪黑。面鰲。尻耳生瘡。或耳出水。用蟾蜍丸以去疳。地

黃丸以補腎其無辜疔用保元湯蟾蜍丸丁奚哺露
用六味丸蟾蜍丸走馬疔敷馬鳴散服蟾蜍丸若作
渴瀉利腫脹勞瘵等類詳參方論而治之蓋疔者乾
也。因脾胃津液乾涸而患在小兒爲五疔在大人爲
五勞總以調補脾胃爲主。○凡小兒疔在內目腫腹
脹臍突溺稠瀉利青白體漸瘦弱疔在外鼻下赤爛
頰揉鼻耳或肢體生瘡鼻瘡。蘭香散。諸瘡白粉散。○
熱疔如聖丸冷疔木香丸冷熱交錯元氣久虧溫脾
丸最宜。○疔病害眼者用蕪荑仁青箱子細末各一

錢不經水。鵝雞肝一具。研爛入白酒釀飯上蒸熟食之。不過五七服必愈。

二便色白

秘旨云。小兒便如米泔。或溺停少頃。變作汁濁者。此脾胃溼熱也。若大便泔白色。或如魚凍。或帶紅黃黑者。此溼熱積滯也。宜理脾胃消滯去溼熱。節飲食。若忽然變青。卽變蒸也。不必用藥。若久不愈。用補脾制肝藥。若母因七情致兒小便如清。肥兒丸大便色青。日久不復。或兼泄瀉。色白。或腹痛者。六君子加木香仍

審乳母飲食七情主之

食積

小兒食積者因脾胃虛寒乳食不化久而成積其證
至夜發熱天明後涼腹滿膨脹嘔吐吞酸是冷壯熱
喜睡神昏大便酸臭甚則下血是也若兼寒熱者爲
食積發熱若食在胃者消之腹滿痞脹按之益痛者
下之下後仍痛按之則止者補之夾食傷寒者先散
之參蘇飲熱甚便秘者先利之六柴胡湯如無外感
但只傷食不至於甚保和丸調之蓋脾爲至陰之藏

故凡脾病者。至夜必熱。熱而兼寒。則又見所勝者侮。所不勝矣。食未消者。消之。則寒熱止。食既消者。補之。則寒熱痊。若手足並冷。喜熱飲食。此中州虛寒也。宜溫之。大便欲去不去。脾氣下陷也。宜升之。若夜間或侵晨泄瀉者。脾腎俱虛也。四神丸。手足並熱。作渴飲水者。脾胃實熱也。瀉黃散。大便秘結。大柴胡湯。手足雖熱。口不作渴。大便不實者。白朮散。大便下血者。理中湯。去參加枳實黃連紅麴。

腹痛腹脹

小兒腹痛體瘦面色皖白目無精光手足指寒口中
氣冷不思飲食或嘔利撮口此脾土虛而寒水所侮
也益黃散或理中丸去參加茯苓若口中氣溫手足
心熱面色黃白目無精光或多睡惡食或大便酸臭
此積痛也消積丸甚者白餅子下之後以白朮散調
補脾胃若腹脹而悶亂喘滿者白餅子若不悶亂喘
滿者脾虛也白朮散調補之悞下而致目胞腮面四
肢浮腫肚腹愈脹脾虛欲發驚癇者塌氣丸溫理之
若腹中有癖不食飲乳則吐按之則啼當暫用白餅

子下之。蓋小兒病此。良由乳食不消。伏於腹中。乍冷乍熱。飲水過多。脾胃虛弱。不能傳化水穀。以致四肢羸瘦。肚腹漸大。而成疳矣。六君子加乾蟾。若痛連兩脇。肝木乘脾也。四君子加柴胡。芍藥。若腹高重墜。脾氣下陷也。補中益氣湯加枳實。若手足指冷。或呃逆泄瀉。寒水侮土也。六君子加炮薑。肉桂。不應。急加附子。若服剋削之藥。致腹作痛。按之痛止者。脾氣復傷也。五味異功散。至於腹脹喘滿。亦皆脾虛邪乘所致。東垣所謂寒脹多而熱脹少。熱者六君子加芩連枳。

朴寒者六君子加薑桂吳茱萸亦有寒熱錯雜者瀉
心湯芩連炮薑竝用若治實服用二陳加枳朴木香
有熱加芩連可也

煩渴

小兒唇紅如丹即發渴。紅甚焦黑則危篤。若三焦煩
熱作渴導赤散。風熱瀉青丸。虛煩懊膿梔子豉湯。虛
煩不得眠酸棗湯。夜甚者當歸補血湯。傷寒後唇口
焦者竹葉石膏湯。瀉利作渴五苓散。暑傷心脾煩渴
引飲者人參白虎湯。下利脾虛作渴七味白朮散。熱

結膀胱小便秘渴五苓散上焦虛熱四君子湯膏粱
積熱清胃散脾虛積熱瀉黃散中氣虛熱異功散腎
水虛熱六味丸慎勿悞用寒涼降火脾胃復傷則腹
脹而爲敗證矣

汗

小兒腠理疎薄常時微汗但不宜過多亦不可衣被
過厚使汗大出若睡中出汗名盜汗止汗散遍身多
汗煩熱爲胃熱三補丸胃虛汗者上至項下至臍也
益黃散六陽虛汗者上至頭下至項乃稟賦不足保

元湯加防風白朮小兒元氣未充腠理不密或飲食
停滯或厚衣溫煖熱鬱心包而津液妄泄也導赤散
血虛用人參當歸等分煎服名團參湯其盜汗屬胃
經虛熱者五味異功腎經虛熱者六味丸若寒水侮
土益黃散設泛行施治誤損脾胃多成疴瘵大凡汗
多亡陽必至角弓反張頸項痙強用十全大補多有
生者

黃蘗

夫人身之神貴於藏而默用見於外則內虛也其證

皆由脾氣有虧。運化失職。溼熱留於肌。膚發而爲癩。
錢仲陽所謂身痛背強。二便澇滯。遍身面目爪甲皆
黃。小便褐色是也。治法宜固脾爲先。如專用尅伐。寬
中。淡泄。利水之藥。則鮮有不致危者。若初生及百日
之中。半旬之內。不因病而身黃者。胃熱胎黃也。腹大
食土爲脾疳。兼作渴冷飲。瀉黃散。小便不利。五苓散
加茵陳。大便秘。茵陳蒿湯。病後發黃。肢體浮腫。白朮
散。清便自調。肢冷嗜卧。益黃散。身淡黃。白理中丸。加
茵陳。身熱膈滿。肌膚面目皆黃。瀉黃散。加枳殼。生薑。

若閉目壯熱多哭不已大小便赤濇口中熱氣乃妊
母厚味遺毒也。母子竝服清胃散生料地黃丸忌酒
麪五辛熱物。倘誤傷脾土急則驚風吐瀉緩則肢體
浮腫小便不利眼目障閉多成疴疾矣。又有脾虛發
黃者當於脾胃中求之。

蛭

曹氏云。蛭者九蟲之一。因藏府虛弱及傷甘肥生冷
致蛭不安動則腹中攻痛。或作或止。口吐涎水。貫心
則死。錢仲陽云。吐水不心痛者胃冷也。吐沫心痛者。

蟲痛也。與癩相似。但目不斜。手不搐。耳化蟲丸。田氏云。蟲痛啼哭。俛仰坐臥不安。自按心痛。時時大叫。面色青黃。唇色兼白。目無精光。口吐涎沫也。若因胃冷。卽吐。理中湯加炒川椒烏梅。或送烏梅丸。尤妙。若中氣虛而蟲不安者。但補脾胃自安。冬月吐蟲多。是胃氣虛寒。白朮散加丁香烏梅。

疝

小兒陰腫疝氣。多屬肝腎氣虛。爲風邪所傷。血氣相搏而成。六味丸加茴香川棟子。若坐臥溼地所致者。

五苓散換蒼朮加蠟尾柴胡山梔車前不時寒熱者
小柴胡去參加桂苓川棟蠟尾若因啼哭不止動於
陰器結聚不散而舉丸腫大者桂枝湯加細辛當歸
木香蠟尾啼叫氣逆水道不行而致者沉香降氣散
加青皮蠟梢柴胡小腹作痛小便瀉滯者龍膽瀉肝
湯加延胡索肉桂

目

五藏六府之精氣皆上注於目而黑睛爲肝之竅瞳
神又爲腎之精華小兒目無精光及白睛多黑精少

者肝腎俱不足也。地黃丸加鹿茸。晝視通明。夜視固
見者。所稟陽氣衰弱。遇夜陰盛。則陽愈衰。故不能視
也。冲和養胃湯。煮肝散。疴眼者。因肝火溼熱。上衝脾
氣。有虧。不能上升清氣。故生白翳。曉閉不開。眵淚如
糊。久而膿流。遂至損目。益氣聰明湯。決明。雞肝散。目
閉不開者。因乳食失節。或過服寒涼之藥。使陽氣下
陷。不能升舉。補中益氣湯。眼連劄者。肝經風熱也。柴
胡清肝散。若目劄面青。食少體倦。肝木剋脾土也。五
味異功散。加白芍。柴胡。生薑。實者去。參。換赤芍。加羌

活蠟梢若生下目黃壯熱大小便秘結乳食不思面
赤眼閉者皆由在胎時感母熱毒所致兒服瀉黃散
母服地黃丸若乳母膏梁積熱致兒目黃者母服清
胃散若肢體面目爪甲皆黃小便如屋塵色者難治
餘叅眼目本門治之○小兒誤跌或打著頭腦受驚
肝系受風致瞳神不正名曰通睛宜石南散吹鼻內
服牛黃平肝鎮驚藥

耳

耳者心腎之竅肝腎之經也心腎主內證精血不足

肝膽主外證風熱有餘或聾聵或虛鳴者稟賦虛也。或脹痛或膿癢者邪氣客也。稟賦不足地黃丸肝經風熱柴胡清肝散。若因血燥梔子清肝散不應佐以六味丸。若因腎肝疴熱朝用六味丸夕用蘆薈丸。若因乳母膏粱積熱而致者子母竝服加味清胃散。

鼻塞鼻衄

曹氏云鼻乃肺之竅皮毛腠理乃肺所主。因風邪客於肺而鼻塞不利者內服消風散外用葱白七莖入膩粉少許搗攤帛上掌中護溫貼額門小兒鼻衄多

因驚仆氣散。血無所羈。而隨氣上脫。先用小烏沉湯。次用止衄散。或異功散。加柴胡。山梔。久不愈。用麥冬。黃耆。當歸。生地。人參。五味。煎服。若衄久血脫。但出淡紅水。或帶黃黑色者。難已。

解顱

解顱者。生下顱門不合也。長必多愁。少笑。目白睛多。面色晄白。肢體消瘦。皆屬腎虛。按腎主髓。腦爲髓海。因父母精血不足。不能斂固也。地黃丸。加五味。鹿茸。更用大南星。微炮爲末。醋調。攤緋帛。烘熱貼顱門。

虛寒用細辛桂心乾薑爲末。乳汁和。傅土乾。復傅之。
兒面赤卽愈。○又方。半夏生薑芎藭細辛桂心烏頭。
苦酒煮去滓。以帛浸藥汁中。適寒溫。以敷顙。上冷更
溫之。復敷如前。朝暮各三四敷。乃止。二十日可愈。有
至七八歲。或十四五歲。氣血旣盛。而自合。若縱恣色
慾。戕賊真陰。終焉不壽。此證若在乳下。當兼補其母。
更以輭帛束緊兒首。使其易合。亦有顙陷。顙填。俱屬
賦稟不足。或五疳久病。元氣虧損。瀉利氣虛。脾氣不
能上充。所致者。補中益氣及十補丸。若手足並冷。前

湯加薑桂不應。虛寒之甚也。急加附子。緩則不救。

龜胸背

龜背者。由兒生下。風客於脊。入於骨髓。小續命去附。加防風。龜胸者。因肺受溼熱。攻於胸膈。龜胸丸並用。龜尿點其骨節。多有得愈者。蓋小兒腠理不密。風邪乘之。或痰飲蘊熱於肺。風熱交攻。而致。或坐蚤風入骨髓。治用上法。若稟受肝腎虛熱。六味丸腎氣不足。八味丸背加鹿茸。胸加龜甲。治之貴早。遲則不驗。

虛羸

小兒虛羸因脾胃不和不能乳食使肌膚瘦弱或大病後脾氣尚弱不能傳化穀氣所致若冷者時時下利唇口清白熱者身溫壯熱肌體微黃更當審形色察見證如面赤多啼心之虛羸也面青目劓肝之虛羸也耳前後或耳下結核肝經虛火也頸間肉裏結核食積虛熱也面黃疳滿脾之虛羸也面白氣喘肺之虛羸也目睛多白腎之虛羸也仍參相勝治之

五遲五軟五慢

五遲者立遲行遲齒遲髮遲語遲是也蓋腎主骨齒

者骨之餘髮者腎之榮若齒久不生髮久而不固髮久不生髮則不黑皆胎弱也良由父母精血不足腎氣虛弱不能榮養而然若長下可立立而骨軟大不能行行則筋軟皆肝腎氣血不充筋骨痿弱之故有肝血虛而筋不榮膝膝蓋不成手足拳孿者有胃氣虛而髓下溫骨骨不能用而足脛無力者並用地黃丸爲主齒遲加骨碎補補骨脂髮遲加龜版鹿茸何首烏立遲加鹿茸桂附行遲加牛膝鹿茸五加皮語遲之因不一有因妊母卒然驚動邪乘兒心不能言者

有稟父腎氣不足而言遲者有乳母五火遺熱閉塞
氣道者有病後津液內亡會厭乾澀者亦有脾胃虛
弱清氣不升而言遲者邪乘兒心菖蒲丸腎氣不足
地黃丸加遠志閉塞氣道加味道遙散津液內亡七
味白朮散脾胃虛弱補中益氣湯若病久或五疳所
致者但調補脾胃爲主○五鞭者仰頭噎氣手脚心
堅口緊肉硬此陽氣不榮於四末獨陽無陰之候若
腹筋青急者木乘土位也六味丸加麥冬五味若係
風邪小續命去附子○五軟者頭項手足口肉皆軟

胎稟脾腎氣弱也。若口軟不能嚙物，肉軟不能輔骨，必先用補中益氣以補中州。若項軟天柱不正，手軟持物無力，足軟不能立地，皆當六味丸加鹿茸五味，兼補中益氣二藥久服，仍令壯年乳母哺乳爲第一義。

失音

舌者音聲之機也。喉者音聲之關也。小兒卒然無音者，乃寒氣客於會厭，則厭不能發，發不能下，開闔不致，故無音也。若咽喉聲音如故，而舌不能轉運言語。

則爲舌瘖。此乃風冷之邪客於腭絡。或中舌下廉泉穴所致。若舌本不能轉運言語。而喉中聲動者。則爲喉瘖。此亦風痰阻塞。使氣道不通。故聲不得發。而喉無音也。大抵此證。多有稟賦不足。不能言者。有乳母五志之火遺兒。熏閉清道。不能言者。有驚風中風。不能言者。若遺熱與津液耗者。七味白朮散清氣不升者。補中益氣湯。稟賦不足。與虛火傷肺者。地黃丸。若仰首欬嗽。肢體羸瘦。目白睛多。或兼解顱呵欠。咬牙等證。悉屬腎虛。非地黃丸加鹿茸。遠志不能治也。若

吐瀉後。或大病後。雖有聲而不能言。又能嚥物者。非失音。乃胃氣不能上升。地黃丸與補中益氣湯兼服。

咬牙

小兒寤寐不時咬牙及嚙乳者。雖多屬驚。然所致各有不同。惟嚙乳驚搐者。抱龍丸若發熱飲水叫哭而搐者。心經實熱也。瀉心湯。睡困驚悸。合目而卧者。心經虛熱也。導赤散。面青目劄。呵欠。項強。煩悶者。肝經實熱也。柴胡清肝散。手循衣領及亂捻物者。肝經虛熱也。發搐目青面赤。肝經風熱也。並宜六味丸。

夜啼驚啼

夜啼有二。曰脾寒。曰心熱。夜屬陰。陰勝則脾藏之寒。愈盛。脾爲至陰。喜溫而惡寒。寒則腹中作痛。故曲腰而啼。得燈火。其啼便止。其候面青白。手腹俱冷。不思乳食。亦曰胎寒。益黃散加鈎藤。若見燈。愈啼者。心熱也。心屬火。見燈則煩熱內生。兩陽相搏。故仰身而啼。其候面赤。手腹俱暖。口中氣熱。導赤散加黃連。麥冬。若面色白而黑睛少。屬腎氣不足。至夜陰虛而啼也。宜用六味丸。因驚者。參苓驚啼治之。○驚啼者。邪

氣乘心也。哭而多淚是驚也。啼而無淚是痛也。若因
心火不足而驚啼者。秘旨安神丸。心火熾盛。導赤散。
木火相搏。加柴胡。梔子。肝血不足。六味丸。

喜笑不休

經曰。神有餘則笑不休。又曰。在藏爲心。在聲爲笑。在
志爲喜。又火太過爲赫羲赫羲之紀。其病笑謔狂妄。
又云。少陰所主爲喜笑。又云。精氣并於心則喜。此數
者皆言屬心火也。先用瀉心湯治其心火。次與六味
丸滋其腎水。太僕所謂壯水之主以制陽光也。扁鵲

云其人脣口赤色者可治。青黑者死。若腎水虧涸。不勝心火。而喜笑不休。尋作不安之態者。六味地黃丸。肝木過盛。上挾心火。而喜笑不休者。柴胡清肝散。餘兼別證。各從其類。而參治之。

循衣撮空

循衣撮空。皆由肝熱。筋脈血枯。而風引之。故手指爲之撮歛也。宜確服六味丸。間有回生之功。亦有脾虛肝乘者。六君子加鈎藤。蠲梢。若肝經實熱。瀉青丸。蓋循衣撮空。皆病之敗證。求其實熱。十無一二。許叔微

云循衣撮空。皆神虛無主。非大劑獨參保元。不能挽回。虛寒則十全大補。人參養營。大建中。溫補之。然亦有。心包熱極所致者。王海藏治血脫。循衣撮空。摸牀。揚手。搖頭。錯語。失神。脈弦浮而虛。血脫內燥熱之極也。氣粗鼻乾。此爲難治。生地黃黃連湯。

壽夭

孫真人曰。兒初生。叫聲連延相屬者。壽。聲絕而復揚。急者不壽。啼聲散不成人。啼聲深不成人。臍中無血者。好臍小者。不成人。通身軟弱如無骨者。不壽。鮮白。

長大者壽。生下目自開者不成人。目視不正。數動者。大非佳。汗血者多危。不壽。汗不流。不成人。小便凝如脂膏。不成人。頭四破。不成人。常搖手足者。不成人。額上有旋毛者。早貴。妨父母。兒生枕骨不成人。能言而死。尻骨不成人。能蹠而死。掌骨不成人。能匍匐而死。踵骨不成人。能行而死。臙骨不成人。能立而死。身不收者死。魚目者死。股間無生肉者死。頤下破者死。陰不起者死。陰囊下白者死。赤者死。卵縫通達黑者壽。兒小時識悟通敏過人者多夭。天大則項橐顏回之流。

也。小兒骨法成就。威儀迴轉遲舒。稍費人精神雕琢者。壽。其預知人意。迴旋敏捷者。夭。大則楊修孔融之徒也。

張介賓曰。小兒之壽夭。其因有二。一則由於稟賦。一則由於撫養。夫稟賦爲胎元之本。精氣之受於父母者也。撫養爲居處寒溫。飲食饑飽之得失者也。凡少年之子。多有羸弱。慾勤精薄也。老年之子。多強壯者。慾少精全也。多飲者。子多不育。蓋以酒溼亂精。則精半非真。而溼熱勝也。多慾者。子多不育。以孕後不節。

則泄母陰奪養胎之氣也。此外如饑飽勞逸五情六氣無不各有所關。是皆所謂稟賦也。至於撫養之法。則俗傳有云。若要兒安。須帶饑寒。此言殊爲未審。夫欲其帶饑者。恐飲食之過耳。過則傷脾而病生。寧使畧饑。其猶度幾。至若寒之一字。則大有關係。小兒以未成之血氣。嫩薄之肌膚。較之大人。相去百倍。顧可令其帶寒耶。嘗見新產之兒。多生驚搐。此爲穩婆不慎。則風寒襲之多。致不救者。此也。及其稍長。每多發熱。輕則爲鼻塞。欬嗽。重則爲小兒傷寒。勿科不識。

紫呼爲變蒸。投藥致斃者。此也。或寒氣傷藏。則爲吐瀉。或因寒生熱。則爲驚。爲疳。種種變生。多由外感。雖稟體強盛。不畏風寒者。亦所常有。但強者三之一。弱者三之二。傷熱者十之三。傷寒者十之七。况膏粱貧賤。氣質本不同。醫家不能察。但知見熱攻熱。嬰兒不能言。病家不能辨。徒付之命。誠可歎也。又有謂小兒純陽之體。故多宜清涼治之。此說尤爲誤人。而王節齋又曰。小兒無補腎。謂男至十八。而腎始充滿。既滿之後。妄用虧損。則可用藥補之。若受胎之時。稟之

不足則無可補稟之原足又何待補嗚呼此何說耶
夫小兒謂純陽者以其陰氣未成卽腎虛也或父母
多慾而所稟水虧亦腎虛也陰旣不足而不知補之
陰絕則孤陽亦絕矣何謂無可補耶殊不知錢氏六
味地黃丸專治小兒腎虛解顛以其純陽無陰故取
桂氏八味丸裁去桂附以獨補腎水也此義惟薛
齋得之惜乎世醫多所未悟也

張氏醫通卷十一

